

國

語

正

義

國語正義序

歸安董

太史公自序左丘失明厥有國語漢書藝文志國語二十一篇左丘明著漢儒之說彰矣隋劉光伯唐陸淳柳宗元始有異議撫拾異同毛舉細故後人遂指魯語皇華五善語言六德文與左違內傳謂魯哀十七年楚滅陳魯哀二十二年越滅吳外傳謂吳既滅之後尚有陳蔡之君執玉朝越黃池之會內傳先晉人外傳先吳人周語自穆王至幽王鄭語獨載桓武而莊公以下無聞皆春秋以前事以傳會劉柳之說然宏嗣明言國語之

作其文不主於經則固不必以經爲限矣至內外傳同
出一人而文有異同試以史記例之鄭世家以友爲宣
王庶弟年表又以友爲宣王母弟黃池之會晉世家謂
長吳吳世家又謂長晉遷一人之說其不同如此至內
傳則成十六年苗賁皇曰請分良以擊其左右而三軍
萃于王族襄二十六年聲子述苗賁皇曰吾乃四萃於
其王族是左氏各承晉楚兩史舊文慎以闕疑不敢參
以臆斷也又成十六年塞井夷竈二語屬之士匄襄二
十六年又屬之苗賁皇內傳一書如此又何疑外傳內
傳之有參差乎班氏藝文志言公羊傳十一卷公羊外

傳五十篇穀梁傳十一卷穀梁外傳二十一篇則作傳者必有外傳以曲暢其支派國語之爲左氏外傳正同一例公穀二家外傳已逸安知彼之外傳不與其內傳亦有牴牾乎故宏嗣斷以爲出左氏之手內傳之出獻自北平侯張蒼外傳不知何時始出賈子新書禮容下篇載單靖公單襄公事皆采國語則國語之出亦當在漢文帝之世儒林傳載賈生治春秋左氏傳今又兼述國語則賈生亦以內傳外傳之同出左氏也班氏藝文志旣載國語二十一篇又載新國語五十四篇劉向所分則漢時國語有兩本今所傳二十一篇與班志合然

公羊疏第六卷引國語曰懿始受譖而烹哀公公羊疏
第二十一卷引國語曰專諸膳宰僚嗜炙魚因進魚而
刺之史記夏本紀裴駟集解引國語曰敷淺原一名博
陽山在豫章水經河水注引國語曰華岳本一山當河
河水過而曲行河神巨靈手盪腳蹋開而爲兩今掌足
之跡仍存水經瓠子河注引國語曰曹沫挾匕首劫齊
桓公返遂邑史記補三皇本紀索隱引國語曰伏犧風
姓夏本紀正義引國語曰滿於巢湖鄒魯列傳索隱引
國語曰楚人卞和得玉璞禮祭法疏引國語曰神農之
子名柱作農官因名農文選東京賦注引國語曰分魯

公以少帛精莪文選盧譔贈劉琨詩注引國語曰齊大
夫子高適魯見孔子曰而今而後知泰山之爲高淵海
之爲大也今本皆無之則逸者不少矣然裴駰引敷淺
原一條酈道元引華岳一條文選注引子高一條其文
與國語絕不類議者疑之齊語一篇皆管子小匡篇之
辭管子遠出左氏之前必不預知國語之文而襲之竊
疑齊語全亡而後人采小匡以補之與說者又謂越語
下卷疑非國語本文其與他卷不類又國語敘事雖不
盡有年月然未嘗越次今上卷已書越滅吳下卷復從
句踐卽位三年起他國無此例內傳無范蠡姓名外傳

止吳語一見在五大夫之列旅進旅退而已至此卷乃專載蠡策若滅吳之事蠡獨任之者殊非事實藝文志兵權謀有范蠡二篇此殆其一但攙入當在劉向以前

案孔晁本二十卷則第二十一卷孔博士已不信其國語眞文矣宋公序補音本及天聖本兩家並行近曲阜孔氏所刻用補音本今兼收二家之長而用補音本者十之七八云爲之注者有漢鄭眾賈逵魏王肅吳虞翻唐固韋昭晉孔晁七家今唯韋解尙存然已間有逸者如禹貢疏引韋解云以文武侯衛爲安王賓之因以爲名文選東京賦注引韋解云綉棧大赤也今本皆無

之鄭注則他書徵引者僅有數條其餘四家賈王虞唐除韋所引外則史記集解索隱正義詩疏周禮疏春秋左傳疏公羊疏徵引爲多孔出韋後亦見於諸疏及史記注今皆采掇以補宏嗣之義韋解孤行天壤間已千五百餘年未有爲之疏者竊意許叔重鄭康成兩君爲漢儒宗主白三國分疆而儒學爲之一變宏嗣生於江南擾攘之秋抱闕守殘視東漢諸儒已非其時矣其所解固援經義而與許鄭諸君有未翕合者依文順釋義有難安況墨守一家之說殊非實事求是之心用是采擷諸經舊說間下已意非求爭勝于青藍不敢面諛夫

鹿馬檢楊氏穀梁正義間與范氏之注語具抑揚則知
疏不破注之例古人亦所不拘今銓釋韋解之外仍援
許鄭諸君舊詁備載其後以俟辯章譬導水而窺其源
非落葉而離其根也韋解體崇簡潔多闕而不釋史記
集解索隱正義及應劭如淳晉灼蘇林顏師古等家漢
書注章懷太子後漢書注凡於馬班正文采取國語者
各有發揮或與韋解兩岐或與韋解符合同者可助其
證佐異者宜博其旨歸並采兼收以滙古義鎔鼓不同
音而皆悅耳茶火不同色而皆美觀也國邑水道以漢
地理志後漢續郡國志爲主而參以水經注元和郡縣

志杜氏通典諸家并列我

朝所定府廳州縣之名庶覽者瞭然至於宮室器皿衣裳之制度則孔賈諸疏具存止摭簡要不事詳敘唯是賦性顓愚疎于搜討況草茅孤陋旣不獲闕秘府鴻章廣資聞見又不獲交四方碩彥其得切磋固蔽是虞未敢自信今年踰四十平日所聞于師友者恐漸遺忘是以就已撰集者寫錄成編奮螭蜋之臂未克當車矢精衛之誠不忘填海歲在闕逢閹茂始具簡編時經五稔草創初成勉出所業就正君子儻披其榛蕪匡其繆誤俾得自知其非庶免飽食終日無所用心之責則重拜

大貺感且不朽矣

序終

歸安董文學增齡博雅士也所箸國語正義援據該備
自先儒傳注及近世通人之說無弗徵引又於發明章
注之中時加是正可謂語之詳而擇之精矣曷余爲經
義述聞一書謹志家公之說附以鄙見其中亦有攷證
國語者他日寫定當以就正於董君高鄧王引之

茲於南海
鎮志錄出

寫本
失載

國語正義

歸安董增齡撰集

國語敘疏

國語首以周殿以越周何以解國穆王時周

已兆黍離國風之漸迫平王周鄭交質直言王道衰缺蓋

信雖號令止行于畿內而為天周鄭共主故首列焉次魯之

重周公之後秉禮之邦也次齊美桓公一匡之烈也次

次鄭其出厲王於諸姬為近又與晉同定王室也次楚

次吳以其為重黎之後泰伯之裔不使其迹之湮沒弗

終矣漢儒以越見閩蠻強而中夏無伯主春秋亦于是

謂之語說文解字語論也說文繫傳論難曰語語者相應

也言交午也吾言為語也說文繫傳論難曰語語者相應

答國語載列國君臣朋友相論語也故謂之語為之解者

漢大司農鄭眾作國語章句漢侍中賈逵作國語解詁

二十一一篇魏中領軍王肅作國語章句一卷吳侍御史

文考其真偽而志其典禮上以邇周公之遺制下以明
將來之法其教之所存文之所害則刊而正之以示勸
戒其餘則即用舊史有文質辭有詳畧不必改也憤
說文憇也周語陽庫憤盈孔子憤昭定以降臣子道喪
也周禮之法不自周公隱七年書名例云謂之禮經十
一不告例云是不書於策明書於策必有常禮孔穎達
謂五十發凡正是周公舊制天災無牲卒哭作主諸侯
薨于朝會加一等夫人不薨于寢則不致哭孔子始造
此言乎又公女嫁之送人尊卑哭諸侯之親疎等殺二
分二至之書雲物皆經無其事傳亦發凡者若左氏以
意作傳主說孔子物之經何須發傳定四年傳備物典策
以賜伯禽典策則史官記事之法也董仲舒對策孔子
作春秋先正王而繫以萬事是素王之文焉賈逵春秋
序云孔子覽史記就是非之說立素王之法鄭康成六
藝論孔子既西狩獲麟自號素王爲後世受命之君制
明王之法孔子家語稱齊太史子餘曰天其素王之乎
孔穎達謂素空也無位而空王之也宏嗣謂孔子秉周公
原天意非孔子自號爲素王也此宏嗣謂孔子秉周公
五十發凡之義而左丘明因聖言以摭意託王義以流
著萬世之軌也

蔡其淵源深大沈懿雅麗可謂命世之才博物善作者

也疏此又明邱明爲素臣受經於聖人而作傳以闡彰

周觀書於周史歸而修春秋之經邱明爲之傳劉歆謂

左邱明親見夫子好惡與聖人同班固謂仲尼與邱明

各安其意以失其真故論本事而作傳荀崧謂孔子作

春秋邱明子夏造膝親受劉知幾謂邱明躬爲魯史受

經於仲尼權德輿謂仲尼因周公之志而修經邱明受

孔子之經而爲傳臧舒也班固答賓戲猶據意乎宇宙

服虔曰孔子作春秋於春每月書王以統三王之正經

與傳並託始于此班固東賦鋪藻陸機文賦述先

士之感藻注尙書孔傳藻水草之有文者以喻文焉

其明識高遠雅思未盡故復采錄前世穆王以來下訖

魯悼智伯之誅邦國成敗嘉言善語陰陽律呂天時人

事逆順之數以爲國語疏

上旣言作內傳此言內傳所未著復作國語以經緯之也

采者擇也秦始皇本紀采上古帝位號曰皇帝班固
西都賦奚斯頌同見采于孔氏錄者記也隱十年公
羊傳春秋錄內而畧外言左氏擇而記之以爲國語周
本紀昭王南巡守不返立昭王滿是爲穆王穆王卽
位春秋已五十矣汲郡古文穆王十二年王北巡守遂
征犬戎國語託始于此年上包穆王共懿孝夷厲宣幽八
王至平王方入春秋桓子嗣趙襄子於晉陽韓魏反與
年智伯帥韓康子魏桓子嗣趙襄子於晉陽韓魏反與
趙氏謀殺智伯于晉陽之其文不主於經故號曰外傳
下事具晉語及戰國策
所以包羅天地探測禍福發起幽微章表善惡者昭然
甚明疏史記太史公自序左邱明論輯其本以爲國語莊固司
異同爲國語漢書藝文志國語二十一篇左邱明作然
上包八王下迄三家分晉與經文不相鈐鍵中復有與
內傳問異辭者猶說苑新序同出劉向而時復牴牾
蓋古人著書各據所見舊文疑以傳疑不似後人輕改
也漢書律歷志稱曰春秋外傳王充論衡云國語左氏
之外傳也內傳詞語有詳亦有畧故復選錄國語之辭

以補之劉熙又謂春秋以魯爲內以諸侯爲外外國所說最爲近
古劉熙又謂春秋以魯爲內以諸侯爲外外國所說最爲近
外乎其說非也包羅天地者如伶州鳩論三位五所伯
陽父論三川震之等探幽微者如敬姜方績之等章表
史與論重耳之等發起幽微者如敬姜方績之等章表
善惡如驪姬伏辜王孫圉稱觀射父左實與經藝並陳
史倚相之等皆足補內傳之未詳也
非特諸子之倫也疏注禮有經解篇始有經名離騷王逸
通可常行也王延壽魯靈光殿賦觀藝于魯注六經也
漢書藝文志凡六藝一百三十三篇樂
以和神詩以正言禮以明體書以廣聽春秋以斷事五
者蓋五常之道相須而備而易爲之原國語源出于春
秋故漢藝文志列之公羊之次諸子之在宏綱以前者
儒道陰陽法墨縱橫雜農小說賦歌詩兵天文五行善
家曲禮侃人必以其倫倫訓類也言其超于子而晉于
也經者遺秦之亂幽而復光賈生史遷頗綜述焉疏此序
也

以來傳國語之人也秦始皇本紀三十四年李斯請史
官非秦紀皆燒之非博士官所職天下敢有藏詩書百
家語者悉詣尉雜燒之令下三十日不燒黥爲城旦
漢書藝文志漢興改秦之敗大收篇籍廣開獻書之路
賈誼洛陽人年十八以能誦詩書屬文稱于郡中河南
守吳公聞其材召置門下文帝初立聞河南守吳公南
治平爲天下第一徵以爲博士太史公自序遷生龍門年十
之書文乃召以爲博士太史公自序遷生龍門年十
歲則誦古文乃召以爲博士太史公自序遷生龍門年十
氏以爲左傳國語系本等書伏生是名之古文也五帝本
紀子觀春秋國語其發明五帝德帝系姓彰矣是賈生
及遷皆能綜而述之綜推而往引而來也漢書宣帝紀
綜核名實述而申言曰述士及劉光祿於漢成世始
喪禮注既受命而申言曰述士及劉光祿於漢成世始

更**考校**是正疑謬疏漢書楚元王傳劉向字子政本名

俊材置左右更生以通達能宣帝循武帝故事招選名儒

進對獻賦頌凡數十篇成帝卽位更名向數奏封事遷

光祿大夫詔向領校中五經祕書藝文志成帝使諸子

陳農求遺書于天下詔光祿大夫劉向校經傳諸子詩

賦步兵校尉任宏校兵書太史令尹威校數術侍醫李柱國校方技每一書已向輒條具篇目撮其指意錄而奏之

至於章帝鄭大司農爲之訓注解疑釋滯昭晰可觀

至於細碎有所闕略侍中賈君數而衍之其所發明大義略舉爲已憭矣然於文間時有遺忘

疏後漢書鄭興傳子衆字仲

師從父受左氏春秋精力於學明三統歷作春秋難記條例建初六年代鄧彪爲大司農其後受詔作春秋刪十九篇訓釋也漢書揚雄傳以通訓詁之指歸注玉篇理也郭璞爾雅序爾雅者所以通訓詁之指歸注玉篇疏也毛詩序儀禮士冠禮注者注義於經下若水之注物也詩序疏注者著也言爲之解釋使義著明也鄭司農之訓注國語傳不言在子何歲兩漢以國語隸春秋衆承父興之學故國語得兼通之後漢賈逵傳達字景伯九世祖誼文帝時爲梁王太傅父撮從劉歆授左氏春秋兼習國語周官作左傳條例二十一篇達悉傳氏存秋兼習國語周官作左傳條例二十一篇達悉傳父業弱冠能誦左氏傳及五經本文以大夏侯尚書教授雖爲古學兼通五家穀梁之說尤明左氏傳國語爲

之解詁五十一篇永平中上疏獻之顯宗重其書寫建

安黃武之間故侍御史會稽虞君尙書僕射丹陽唐君

皆英才碩儒洽聞之士也采摭所見因賈爲主而損益

之觀其辭義信多善者然所理釋猶有異同疏建安漢

號黃武吳大帝年號吳志虞翻字仲翔會稽餘姚人出

就大帝時爲騎都尉翻徙交州雖處罪放而講學不倦

門徒常數百人又爲老子論語國語訓注皆傳於世唐

固字子正闕澤傳澤州先輩丹陽唐固亦修身積學稱

爲儒者著國語公羊穀梁傳注講授常數十人黃武四

年爲尙書昭以末學淺闇寡聞階數君之成訓思事義

之是非愚心頗有所覺今諸家並行是非相質雖聰明

疏達識機之士知所去就然淺聞初學猶或未能祛過

切不自料復爲之解

疏

吳志韋曜傳曜字宏嗣吳郡雲

改之傳又言少好學能屬文從丞相掾除西安令還爲

尚書郎遷太子中庶子太子和廢後爲中書郎博士祭

卽命昭依劉向故事校定衆書孫皓卽位封爲陵亭侯

還中書僕射職省爲侍中常領左國史皓欲爲父和作

紀昭執以和不登帝位宜名爲傳積前後嫌忿收獄是

救之鳳皇二年也華覆

因賈君之精實采唐虞之信善亦

以所覺增潤補綴參之以五經檢之以內傳以世本考

其流以爾雅齊其訓

疏

此宏嗣論諸家之注因自明其

書司馬遷傳贊孔子因魯史記而作春秋邱明論輯其

本事以爲之傳又養異同爲國語宏嗣就兩書同異而

互爲鈎核故云檢也以世本考其流者班固又言世本

錄黃帝以來至春秋時帝王公侯卿大夫祖世所出司

馬遷據左氏國語采世本戰國策述楚漢春秋接其後

事訖于天漢蓋遷本左傳國語世本之等以成史宏嗣

祖逵意據內傳世本以作國語解也以爾雅齊其訓者
鄭康成駁五經異義爾雅孔氏門人所作以釋六藝之
言劉熙釋名爾雅爾雅也昵近也雅義也義正也張晏
漢書注亦云爾雅也雅正也王充論衡是應篇爾雅之
書五經之訓劉勰宗經篇書實紀言而訓詁茫昧通乎
爾雅則文義曉然齊同也爾雅誠九流之津涉故必折
衷于是始去非要存事實凡所發正三百七事又諸家
紛錯載述爲煩是以時有所見庶幾頗近事情裁有補

益猶恐人之多言未詳其故欲世覽者必察之也疏按謹

之注今庫全書總目昭自序稱兼采鄭眾賈逵虞翻唐固

駁正爲多序又稱凡所發正三百七事今考注文之中

昭自立義者周語凡服數一條國子一條今考注文之中

常棣一條鄭武莊一條仲任一條叔姁一條鄭伯南一條
一條請隧一條錢黷一條楚子入陳一條晉成公一條
其工一條大錢一條無射一條魯語朝聘一條刻桷一條
條命祀一條郊禘一條祖文宗武一條官寮一條齊語

凡二十一條八百一乘一條土邦十五一條良人一使海以有
蔽氏一條不懼不得一條反旂一條晉語
伯轅田一條二五宗一條聚居異情一條貞之無報
一條觀狀一條條三德一條上軍一條蒲城伯一條韓無忌
一條條鎮于一條條呂錡佐一條軍一條新軍一條億事一條
一條女樂一條楚語張老一條鄭語凡十數一條丁作書一條
景襄一條吳語官師一條條鎡于戒一條自到一條王總百執
事一條兄弟之國一條條來告一條一條向櫓一條越語乘車
一條字一條德虐一條條解骨一條一條重祿一條不遇六十
七事合於所正譌字衍文錯簡亦不足三百七事之數
其傳爲有誤以六十爲三百與嗣有晉五經博士孔晁
注春秋國語外傳二十卷唐志二卷今未見單行
之本而左傳正義及各經正義援引者大畧與章解相
同宋庠撫唐人舊音作補音三卷其書全仿陸德明經
典釋文之例此皆題宏嗣
之後而引申其緒者也

國語正義卷第一

歸安董增齡撰集

周語上

穆王將征犬戎(解)穆王周康王之孫昭王之子穆王滿

也征正也上討下之稱犬戎西戎之別名在荒服(疏)穆

王至王滿○史記周本紀昭王南巡守不返卒於江上

立昭王子滿○是謂穆王穆王卽位春秋已五十矣○解

犬戎至荒服○犬戎史記漢書作畎史記索隱小顏云

卽昆夷也山海經黃帝生苗苗生龍龍生融融生吾吾

生并明并明生白生犬犬有二爲犬戎山海經有

人面獸身名犬夷賈逵云犬夷戎之別種呂氏春秋壹

行篇高誘注犬戎西戎之別周書王會解犬戎駁馬王

制西方曰戎故知爲西戎之別名水經河水注引穆天

子傳王戌天子至於雷首犬戎鴈天子於雷首之阿下

卽引趙盾田于首山謂卽此地則雷首在晉境與荒服

之說祭公謀父諫曰不可解祭畿內之國周公之後爲

王卿士謀父字也傳曰凡蔣邢茅胙祭周公之允也疏

祭公謀父○桓八年公羊傳注祭者采也天子三公氏

采稱爵穀梁傳注祭公寔內諸侯爲天子三公者則謀

父當是其先人汲郡古文穆王征犬戎祭公帥師從王

西征次于陽紆是也○解祭畿內之國○史記正義引

括地志故祭城在鄭州管城縣東北十五里鄭大夫祭

仲邑也釋例云祭城在河南上有敖倉周公後所封也

案今開封府東北十五里有祭伯城先王燿德不觀兵解燿明也觀示也

明德尙道化也不示兵者有大罪惡然後致誅不以小

小而示威武疏常曰觀說文示所以示人也夫兵戢

而時動動則威解戢聚也威畏也時動謂三時務農一

時講武守則有財征則有威觀則玩玩則不震解玩黷

也震懼也是故周文公之頌曰解文公周公旦之諡也

頌時邁之詩武王既伐紂周公爲作此詩巡守告祭之

樂歌

疏周文至頌曰○鄭康成詩譜周頌者周室成功

之初頌之言容天子之德光被四表格于上下無不覆

轉無不持載此之謂容於是和樂興焉頌聲乃作詩疏

引中侯摠雒戒云曰若稽古周公旦欽惟皇天順踐阼

卽攝七年鸞鳳見莫莢生青龍銜甲元龜背書此說文

公作頌時事頌自民之歌謠而言周公之頌者以周公

攝政歸功成王歌其先人之功事由不涉于已故得自

爲風雅也○解文公至之諡○史記索隱周地名在岐

山之陽本太王所居後以爲周公之采邑故曰周公卽

今之扶風雍東北故載戢干戈載櫜弓矢解載則也干

盾也戈戟也櫜韜也言天下已定聚斂其干戈韜藏其

弓矢示不復用疏載戢至弓矢○詩周頌毛傳戢聚也

隱五年傳夫兵猶火也弗戢將自焚

也昭二十五年公羊傳注于盾也以朱飾盾爾雅釋言
干扞也孫炎注干盾所以自扞蔽也方訓孟夏其兵戟
之楯或謂之干是干盾一也淮南時則訓孟夏其兵戟
高注戟有枝幹象陽布散也禮說云三鋒戟方言謂之
三刃枝單枝曰戈雙枝曰戟南楚宛郢謂之區戟廣雅
所謂雄戟張揖曰胡中有鉤內利禮圖畫戟兩旁有枝胡中
有下鉤之刃謂胡如鉤內利禮圖畫戟兩旁有枝胡中
無鉤三鋒向上而下無鉤此區氏臆造也詩疏櫜者弓
衣一名韜故納弓于衣謂之韜弓昭元年傳請垂韜而
入荀子解蔽篇倕作弓浮游作矢楊倕引世本云夷牟
作矢周官司弓矢掌六弓四弩八矢之法爾雅弓有緣
者謂之弓無緣者謂之彈方言箭自關而東謂之矢江
淮之間謂之鏃關西曰箭釋名求我懿德肆于時夏解
矢指也言其有所指而迅疾也求我懿德肆于時夏解
懿美也肆陳也于於也時是也夏大也言武王常求美
德故陳其功於是夏而歌之樂章大者曰夏允王保之
解允信也信哉武王能保此時夏之美也疏我求至保
之○詩疏

肆者張設之言故爲陳也言求自武王求而得之故知
求美德之士而用之謂式序在位是武王求而得之也
以言陳之於夏故知夏爲樂名又解云夏之屬有九與
者大也樂歌之大者稱夏也思文箋云夏之屬有九與
此意相足言由周禮有九夏知此夏爲樂歌也春官鐘
師凡樂事以鐘鼓奏九夏夏王夏肆夏昭夏納夏章夏齊
夏族夏穢夏騶夏注云夏大也樂之入歌有九是九夏
之名也彼注引呂叔玉云肆夏繁退渠皆周頌也肆夏
時通也繁退執競也渠思文也元謂以文王鹿鳴言之
則九夏皆詩篇名頌之族類也此歌之大者載在樂章
樂崩亦從而亡是以頌之族類不能具然則鄭以九夏別有樂
歌之篇非頌也但以歌之大者皆稱耳○解夏大也○樂
樂記云夏大也襄二十九年傳能夏則大○解夏大也○
者名夏○周禮杜子春注王出入奏王夏尸出入奏肆
夏牲出入奏昭夏四方賓來奏納夏臣有功奏章夏夫
人祭奏齊夏族人侍奏族夏客醉而出奏祔夏公出入
奏醵夏孔穎達曰王夏天子所用其餘八夏諸侯皆得
用之其祔夏卿大夫亦得用之故鄉飲酒客醉而出奏
也夏先王之於民也茂正其德而厚其性解茂勉也性

情性也阜其財求解阜大也大其財求不鄣壅也而利

其器用解器兵甲也用耒耜之屬明利害之鄉解示之

以好惡鄉方也以文修之解文禮法也使務利而避害

懷德而畏威故能保世以滋大解保守也滋益也昔我

先世后稷解后君也稷官也父子相繼曰世謂棄與不

宿疏

昔我至后稷○宋公序本皆我先世后稷天聖本

曰周本紀有王字而譙周引此無王字許宗彥云章

于下先王不宿始釋王字則此唯云先世可知齡案許

說是周本紀有王字者後人所加也襄二十九年傳孔

疏曰月令首種不入鄭注首種爲稷也國語號文公曰

民之大事在農是故稷爲大官然則百穀稷爲其長遂

以稷名爲農官之長漢書百官公卿表棄作后稷應劭

注棄臣名后主也爲此稷官之主○解后君也○后君

釋詁文說文后繼體君也象人之形施令以告四方故

厂之从一口發號者君也易始
姤卦象傳云后以施命誥四方以服事虞夏解謂棄爲

舜后稷不畱繼之於夏啓也及夏之衰也棄稷弗務解

棄廢也衰謂啓子太康也廢稷之官不復務農夏書序

曰太康失國昆弟五人須於洛汭是也我先王不畱用

失其官解失稷官也不畱棄之子周之禘祫文武必先

不畱故通謂之王商頌亦以契爲元王疏我先王不畱

曰帝王世紀后稷納姑氏生不畱而譙周案國語云世

后稷以服事虞夏言世稷官失其代數也若不畱親棄

之子至文王千有餘載唯十四代亦不合事情路史後

紀棄世爲后稷及夏之衰有不畱者失其官守竄居于

尉李注不畱非稷子路史發揮帝俊生稷稷生台台

蠶生叔均叔均爲田祖帝俊者帝嚳之名而台台

稷封台故其後有台台蠶有叔均既有台台蠶叔均則知稷

之後世多矣不畱不得爲稷子明矣案稷之孫叔均尚

爲田祖豈不窳爲稷子亦承史記之說耳
而自竄於戎翟

之間解竄匿也堯封棄於郃至不窳失官去夏而遷於

郃郃西接戎北近翟疏解堯封棄於郃○生民毛傳郃

稷故國后稷于郃毛奇齡曰古無封國母家之理若疏

所言或滅或遷則其後太王又娶有郃氏女名太姜矣

案郃地有二姜姓之郃邑在琅瑯有郃亭哀公時齊遷景

我東郃國有二姜姓之郃邑在琅瑯有郃亭哀公時齊遷景

公于郃國則入齊矣在今山東沂州費縣境內稷封之

郃國在武功昭九年傳魏駘芮岐畢吾西土杜注駘在

始平武功縣所治釐城后稷受此五國駘○詩公劉疏謂

隸今陝西乾州○解郃西接戎北近翟○詩公劉疏謂

鄭箋言夏人迫逐益是王初之人以時衰政亂疾惡有

道故逐之也太康始衰之時不窳失官少康未立之前而

將百年益太康始衰之時不窳失官少康未立之前而

公劉見逐案不窳之言公劉之篇說無明文孔疏亦因承史

遷之說也孔疏又言公劉之篇說無明文孔疏亦因承史

甚詳益不窳之時已嘗失官逃竄于郃猶向來郃國

未卽定居于邠至公劉而燕以邠之民往居焉漢書地理志右扶風栒邑縣有邠鄉杜預曰邠在新平漆縣東北史記正義引括地志甯原慶三州秦北地郡戰國及春秋時爲義渠戎國之地周先公劉不甯居之古西戎也詩疏又言經云幽居允荒木紀稱公劉在我召間知幽是戎狄之地名至太王又避狄人之難入處岐陽故云西近戎不敢怠業時序其德纂修其緒解纂繼也緒

事也修其訓典解訓教也典法也朝夕恪勤守以惇篤

奉以忠信奕世載德不忝前人解奕亦前人也載成也

忝辱也疏奕世載德○爾雅釋詁奕大也文選注引韓詩云奕奕盛貌周頌噫嘻鄭箋亦大也傳言

周家恢大前人之業而成功也至於武王昭前之光明而加之以慈

和事神保民莫不欣喜解保養也商王帝辛大惡於民

解商殷之本號辛紂名大惡大爲民所惡疏商王帝辛

○史記殷

本紀帝乙長子微子啓啓母賤不得立嗣少子辛辛母
正后辛爲嗣帝乙崩子辛立是謂帝辛天下謂之紂集
解謚法曰殘義損善曰紂書言獨夫庶民弗忍欣戴武
受紂聲相近紂爲謚故知辛爲名

王以致戎於商牧解戴奉也戎兵也牧商郊牧野疏牧解

商郊牧野○史記正義括地志云衛州城故老云周武
王伐紂至于商郊野乃築此城鄆元注水經云自朝

歌南至清水土地行據卑跨澤悉牧野也括地志又
云紂都朝歌在衛東北七十三里朝歌故城是也小

妹邑殷王武丁始創之帝王世紀云帝是先王非務武
乙復濟河北徙朝歌其子紂仍都焉

也勤恤民隱而除其害也解恤憂也隱痛也夫先王之

制邦內甸服解邦內謂天子畿內千里之地商頌曰邦

畿千里惟民所止王制曰千里之內曰甸京邑在其中

央故夏書曰五百里甸服則古今同矣甸王田也服服

其職業也自商以前并畿內爲五服武王克殷周公致
太平因禹所弼除畿內更制天下爲九服千里之內謂
之王畿王畿之外曰侯服侯服之外曰甸服今謀父諫
穆王稱先王之制猶以王畿爲甸服者甸古名世俗所
習也故周襄王謂晉文公曰昔我先王之有天下也規
方千里以爲甸服是也周禮亦以蠻服爲要服足以相

况矣

疏

邦內甸服○周禮職方氏乃辨九服之邦國方

安國曰爲天子服治田去王城面五百里內是夏之甸

服卽周之王畿故漢書嚴助傳顏注封內謂封圻千里

之內甸服主治王田以共祭祀也周禮甸師氏帥其屬

而耕耨王籍故以公邑甸地之義名官孔顏之義始本

諸此○解武王至九服○詩殷武疏禹貢五百里甸服

每言五百里一服者是堯舊服每服之外更言三百里

禹平水土之後每服更以五百里輔之是五服五百里耳。里故一面而爲差至于五千也。王肅難鄭曰禹功在平治山川不在拓境廣土。地之廣三倍于堯書傳無稱焉。不知經言弼成五服至于五千者皆從此到彼之辭。之舊制何弼成之有乎。凡言至于者皆從此到彼之辭。明是自京師至于四境爲五千耳。若其四面相距爲五千里則經文從何而往而言至于哉。王鳴盛曰禹弼成五服至于國方三千五里之界亦分爲九州而建千七百七十國焉。故鄭以王制所言爲殷制。迨周公輔成王致太平復禹之舊考禹制去王城五百里曰甸服于周爲王畿其弼當侯服其外五百里爲采服其弼當衛服其外五百里爲要服與周要服相當去王城三千五百里四面相距方七千里是九州之內也要服之弼當周夷服又其外方五百里曰荒服當周鎮服其弼當周藩服去王城五千里四面相距方萬里是周九服卽禹弼成之五服也。而分之邦外侯服解邦外邦畿之外方五百里之地謂者也。

之侯服侯服侯圻也言諸侯之近者歲一來見

疏

邦外侯服

○史記夏本紀甸服外五百里侯服正義孔安國曰侯服也斥侯而服事也漢書嚴助傳顏注侯侯也爲王者斥侯周禮職方氏鄭注服服侯衛賓服解此總言之也事天子也詩云侯服于周

侯侯圻也衛衛圻也言自侯圻至衛圻其間凡五圻圻

五百里五五二千五百里中國之界也謂之賓服常以

服貢賓見于王五圻者侯圻之外曰甸圻甸圻之外曰

男圻男圻之外曰采圻采圻之外曰衛圻周書康誥曰

侯甸男采衛是也凡此服數諸家之說皆紛錯不同唯

賈君近之

疏

侯衛賓服○禹貢疏引韋昭注以文武侯

虞注侯服之外又有衛服賓賓見于王也侯衛二服同爲賓也服氏之意內舉侯外舉衛以包五圻也周禮賈

疏言甸者甸之言田爲王治田出稅言男者男之言任也爲王供其職理采者事也爲王事民以供上言衛者爲王衛禦謂之賓服者秋官大行人掌大賓之禮與大客之儀注云大賓要服以內諸侯大客謂其孤卿孔穎達曰天子之於諸侯謂之爲賓賓者敵主之辭此則天子與諸侯之義耳若諸侯與天子皆純臣矣又儀禮覲禮鄭目錄云覲于五禮屬賓雖賓服不專秋見且覲時不止賓服五圻然以覲禮推之則天子有賓諸侯之義矣

蠻夷要服

解

蠻蠻圻也夷夷圻也周禮衛圻之外曰

蠻圻去王城三千五百里九州之界也夷圻去王城四千里周禮行人職衛圻之外謂之要服此言蠻夷要服則夷圻朝貢或與蠻圻同也要者要結好信而服從之

疏

蠻夷要服○後漢書昔高辛氏有犬戎之寇乃訪募

有畜狗其毛五采名曰槃瓠槃瓠遂衛人頭造闕下診之乃吳將軍首槃瓠得女負而走入南山經三年生子

一十二人六男六女槃瓠死後因自相夫妻其後滋蔓
號曰蠻夷其在唐虞與之要質故曰要服風俗通義君
臣同川而浴極爲簡慢蠻者慢也王制曰東方曰夷夷
者抵也言仁而好生萬物抵地而出故天性柔順易以
道御至有君子不死之國焉夷有九種曰畎夷于夷方
夷黃夷白夷赤夷元夷風夷陽夷尚書孔傳要束以文
教也漢書嚴助傳顏注又在侯衛之外而戎翟荒服解
居九州之地也要言以文德要來之耳戎翟荒服解
戎狄去王城四千五百里至五千里也四千五百里爲
鎮圻五千里爲蕃圻在九州之外荒裔之地與戎翟同
俗故謂之荒荒忽無常之言也疏戎翟荒服○風俗通
中戎者兜也後漢書西羌之本出自三苗姜姓之別其
國近南岳及舜流四凶徙之三危河關之西南羌地是
也濱於賜支至於河首綿地千里賜支者禹貢所謂析
支者也南接蜀漢徼外蠻夷西北鄯善車師諸國是羌
卽戎也史記索隱張晏云湟維以殷時奔北邊又樂彥
括地譜云夏桀無道湯放之于鳴條三年而死其子獯

粥妻桀之衆妾避居北野隨畜移徙中國謂之甸奴左
傳莊三十年冬齊人伐山戎杜預云山戎北狄無終三
名是狄亦得名戎風俗通義狄者辟也其行邪辟尚書
馬融注政教荒忽因其故俗而治之是說荒服之義也
○解四千至蕃服○周禮疏言鎮者以其入夷狄深故
須鎮守之言蕃者以其最在外爲蕃籬故以蕃爲稱蠻
服大司馬謂之要服言要亦是約束爲義自侯服以下
各舉一邊爲號皆互而通也其夷狄三服亦自互而相
通

甸服者祭

解

供日祭也此采地之君其見無數侯服

者祀

解

供月祀也堯舜及周侯服皆歲見賓服者享解

供時享也享獻也周禮甸圻二歲而見男圻三歲而見
采圻四歲而見衛圻五歲而見其見也皆所以貢助祭
于廟孝經所謂四海之內各以其職來祭要服者貢解
供歲貢也要服六歲而見荒服者王解王王事天子也

王及卽位而來見

疏

終王○漢書韋元成傳大禘則終

以其珍貢以供大禘之祭也顏師古注每一王終新王

卽位乃來助祭案下文言大畢伯仕之終則蠻夷新卽

位亦有朝先王之訓也有不祭則修意**解**意志意也謂

邦甸之內有違闕不供日祭者先修意以自責畿內近

知王意也有不祀則修言**解**言號令也有不享則修文

解文典法也有不貢則修名**解**名謂尊卑職貢之名號

晉語曰信於民則上下不干有不王則修德**解**遠人不

服則修文德以來之序成而有不至則修刑**解**序成謂

上五者次第也已成而有不至則有刑誅於是有刑不

祭伐不祀征不享讓不貢**解**讓譴責也告不王**解**謂以

文辭告曉之地遠者臯輕也於是乎有刑罰之辟解刑

不祭也有攻伐之兵解伐不祀也有征討之備解征不

享也有威讓之令解讓不貢也有文告之辭解告不王

也布令陳辭而又不至則又增修於德無勤民於遠解

勤勞也是以近無不聽遠無不服今自大畢伯仕之終

也解大畢伯仕犬戎氏之二君終卒也犬戎氏以其職

來王解以其職謂其嗣子以其貴瑤來見王也天子曰

予必以不享征之且觀之兵解享賓服之禮以責犬戎

而示之兵非也其無乃廢先王之訓而王幾頓乎解幾

危也頓敗也疏解頓敗也○漢書嚴助傳顏解吾聞夫犬

注頓壞也物壞則有敗義

戎樹惇

解

樹立也言犬戎立性惇樸

疏

犬戎樹惇○爾雅釋詁惇厚也

舜典惇德允元史記作厚德允元言犬戎惇篤而堅樸也

能帥舊德而守終純固

解

帥循也純專也固一也言犬戎氏循先王之舊德奉其

常職天性專一終身不移不聽穆王責其享也其有以

禦我矣

解

禦猶應也距也王不聽遂征之得四白狼四

白鹿以歸

解

白狼白鹿犬戎所貢

疏

遂征至以歸○太平御覽引尚書璇

機鈴湯受金符帝錄白狼銜鉤入殷朝水經注灤水又

東北逕白狼堆南魏烈祖道武皇帝于遇白狼之瑞

後漢書滕撫稍遷丞令太守以其能委任郡職行春兩

白鹿隨車挾轂而行水經注涇水又逕舍縣西咸康
中以爲瑞故貢之傳言是役所得止此以示成後世後漢
西羌傳曰穆王西征犬戎獲其五白是荒服者不至
王又得四白狼四白鹿即其事也

穆王貴犬戎以非禮暴兵露師傷威毀信故荒服者不至

恭王游於涇上密康公從解恭王穆王之子恭王伊冠

也涇水名康公密國之君姬姓疏解恭王至伊冠周

年崩子共王繫冠立索隱曰世本伊冠王冠伊冠五十五

出漢書地理志安定郡涇陽開頭山在伊冠王冠伊冠五十五

康公至姬姓冠漢書地理志安定郡陰密縣冠詩所云

密人不恭王伯厚詩考引括地志陰密故城在涇州鵠

臺縣西五十里接縣城冠春秋密須之民自縛其主以與文

王則密冠密須內傳杜注密須冠姑姓國今宏嗣言姬姓

大抵文王時被伐之後其國尚在其王時方滅抑周初
滅姑姓之密而封姬姓之裔如成王滅唐而封太叔其
國仍號曰唐之例有三女奔之解奔不由媒氏也三女
則密冠密須也

同姓

疏

解奔不至同姓。內則奔則爲妾。鄭注妾之爲

也。周官媒氏中春之月令會男女奔者不禁。疏謂若有

父母不嫁不娶之者自相奔就亦不禁之。蓋媒氏謀合

兩家之男女使異類得爲伉儷。故鄭康成謂齊人名麴

麴曰媒。猶和合得成。酒禮不由媒則六禮不備也。內傳

泉邱人有女奔孟僖子其僚從之僚有友義其非一姓

可知此傳總言三女而不言同僚知此是同一姓也。姓

其母曰必致之王。解康公之母欲使進于王。疏其母曰

傳曰康公夫獸三爲羣。解自三以上爲羣人三爲衆女

母姓隗氏。夫獸三爲羣。解自三以上爲羣人三爲衆女

三爲衆。解衆美貌。疏女三爲衆。解自三以上爲羣人三爲衆女

爲奴。从女奴省聲。字林从女奴不省聲。鄭風毛傳衆餐

也。今河北人呼食爲餐。則餐當作餐。詩唐風見此衆餐

毛傳大夫一妻二妾。雖失時而爲昏禮之正。故有適

庶之名。此則越禮而來。唯知伯姑爲三女中之一人。其

二不必爲王田不取羣。解不盡羣也。易曰王用三驅失

婦姪也。王田不取羣。解不盡羣也。易曰王用三驅失

婦姪也。王田不取羣。解不盡羣也。易曰王用三驅失

前禽也

疏

王田不取羣。○史記正義曹大家云田獵得

禽。○釋文引馬融曰三驅者一曰乾豆二曰賓客三曰

君庖春秋疏引鄭康成曰王者習兵於蒐狩驅禽而射

之三則已

法軍禮也失前禽者謂禽在前者不逆而射

之有去又不射

唯背走者順而射之不中則已是其所

以失之虞翻謂坎五稱王三驅謂驅下三陰不及於初

故失前禽初已變成震震爲鹿爲驚走鹿之斯奔則失

前禽也皆古義之足述者若周易疏所引褚氏之說謂

三面使人驅禽則驅之使入圍矣又何有前禽之失邪

公行下衆

解

公諸侯也下衆不敢誣衆也禮國君下卿

位遇衆則式禮之也

疏

云公行下衆。○史記正義曹大家

國君下卿位。○下卿位曲禮文鄭注尊賢也卿

位卿之朝位君出過之而上車入未至而下車王御不

參一族

解

御婦官也參三也一族一父子也故取姪娣

以備三不參一族之女

疏

王御不參一族。○一族一父

子也者子指女子子言之謂

[illegible]

歸女而何德以堪之

解堪任也王猶不堪况爾小醜

解

醜類也王者至尊且猶不堪况女小人之類乎小醜備
物終必亾解言德小而物備終取之必以亾康公弗獻

一年王滅密

解密今安定陰密縣近涇

厲王虐國人謗王解厲王至王胡○周本紀共王崩子懿王釁王立懿王崩子懿王

胡也謗誹也

疏

王解
立王
至王
胡○
周本
紀其
王崩
子懿

王孝王崩諸侯復立懿王太子燹是爲夷王夷王崩子厲王胡立是厲王爲共王曾孫也召公告王

曰民不堪命矣解召公召康公之後穆公虎也爲王卿

士言民不堪暴虐之政令疏解召公至卿士○詩正義

世孫案召康公當康王時尙在康王至厲王止七世而

召公乃傳十六世又燕世家自召公以下九世至惠侯

燕惠侯當厲王奔虢共和之時其封燕之一支至九世

而幽王朝之一支乃傳十六世乎世本之言莫可詳也

○解言民至政令○荀子成相篇任川讒夫不能制王

孰公長父之難厲王流于虢是不堪暴虐之政令也王

怒得衛巫使監謗者解衛巫衛國之巫也監察也以巫

有神靈有謗必知之疏解衛巫至知之○周禮司巫掌

神之禮楚人名巫爲靈子言靈降其身也離騷九歌皆

歌其事是巫有神靈也傳言國將亡聽于神衛巫既得

禍成矣之以告則殺之解巫言謗王王則殺之國人莫

敢言道路以目

解

不敢發言以目相盼而已

疏

國人以目至

呂氏春秋不廣篇太公對武王曰百姓不敢怨誹命曰刑勝此莫敢言之事也

王喜告召公曰

吾能弭謗矣乃不敢言

解

弭止也

召公曰是鄣之也

解

鄣防也防民之口甚於防川

解

流者曰川言川不可防

而口又甚也川壅而潰傷人必多

解

川之潰決害於人

也民亦如之

解

民之敗亂害於上也是故爲川者決之

使導

解

爲治也導通也爲民者宣之使言

解

宣猶放也

觀民所言以知其得失故天子聽政使公卿至於列士

獻詩

解

獻詩以風也列士上士也

疏

使公至獻詩○襄十四年春秋疏引

韋氏注公以下至士各獻諷諫之詩王詩卷阿傳明王使公卿獻詩以陳其志又公劉序召康公戒成王也

成王將蒞政戒以民事美公劉之厚於民而獻是詩孔
穎達曰獻者阜奏於尊之辭漢書載文志入歲入小學
十五國學于少學諸侯歲貢少學之異者天子序序之異者
移命曰造士然後爵命焉孟春之月羣居者將散行入
學命曰造士然後爵命焉孟春之月羣居者將散行入
振木鐸狗于路以采詩獻之太師比其音律以聞于天
子言公卿列士警獻曲解無目曰警警樂師曲樂曲也
則大夫可知也警獻曲解無目曰警警樂師曲樂曲也
疏之警獻曲○襄十四年春秋疏引韋氏注韓陳樂曲獻
名蓋擊鐘而奏此三夏曲宋玉對楚襄王是其曲彌高
而和彌寡漢載文志有河南周歌聲曲折七篇周謠歌
詩聲曲折七十五篇琴操有古琴五曲則史獻書解史
曲之重由來久矣獻之以導和平之德也史獻書解史
外史也周官外史掌三皇五帝之書疏○解史外至之書
士四人中士八人下士十有六人疏引孝經緯云三皇
無文五帝中士八人下士十有六人疏引孝經緯云三皇
則文起于黃帝三世木云蒼頡造文字蒼頡黃帝之史
皇時事故云掌三皇之書昭無文以有文字之能讀三墳五

典賈逵注三墳三皇之書五典五帝之典周易集解伏

曼容易注引尙書大傳乃命五史以書五帝之蠱事古

今之法戒在師箴解師小師箴箴刺王闕以正得失也

書故箴之周官小師以上士四人注凡樂之歌必使瞽矇

疏爲箴命其賢知者以爲太師小師詩庭燎序美宣王

也因箴文選李善注箴以譏刺得失故頓挫清壯是箴

之須箴也李善注箴以譏刺得失故頓挫清壯是箴

兼勸勉諫也李善注箴以譏刺得失故頓挫清壯是箴

諍二義也李善注箴以譏刺得失故頓挫清壯是箴

也疏無賦也李善注箴以譏刺得失故頓挫清壯是箴

範曰蒙史記正義引鄭注蒙氣不釋鬱冥也洪

見曰矇周禮矇主弦歌風誦誦謂陳箴諫之語也疏矇

○周官瞽瞍誦詩世奠繫鄭注誦詩謂閑讀之
依詠也鄭司農云誦詩主詩以刺君過杜子春
云瞽瞍主誦詩并誦世系以戒勸人君也元謂
主謂厥作樞謠時也章不從康成解者傳明言
政則非作百工諫解百工執技以事上者諫者
謚時也

以諫謂若匠師慶諫魯莊公丹慍刻桷者庶人傳語解

庶人卑賤見時得失不得達傳以語王也疏庶人傳語

秋高誘注庶人無官者不得見王故傳語因人以通史
記正義庶人微賤見時得失不得上言乃在街巷相傳

語案高近臣盡規解近臣謂驂僕之屬也盡規盡其規

以告王也疏解近臣至之屬○周官戎右大夫二人

獵亦爲之右爲太僕下大夫二人注僕侍御於尊者之

名太僕其長也言之屬則包諸馭諸僕也○解盡規至
告王○詩河水序鄭箋規者正圓之器也規王仁恩也
以恩親正君曰規孔疏規之使圓則外無廉隅猶人之

爲恩貌不嚴肅故五行規主東方援神契云春執規近臣知王意向故得獻其規也親戚補察解

補補過察察改也傳曰自王以下各有父兄子弟以補

察其過疏親戚補察○史記宋世家箕子者紂親戚也

以箕子爲紂之諸父服虔杜預以爲紂之庶兄漢書吳

王濞傳吳王弟子德侯爲宗正補親戚使至吳張守節

曰言親戚補王過失及察是非也則親戚警史教誨解

爲王同宗諸臣故得補袞職而察庶政也警史教誨

警樂大師史太史也掌陰陽天時禮法之書以相教誨

者單襄公曰吾非警史焉知天道疏解警樂至誨者○

二人疏就韓之中命大賢知爲大師荀子王制篇修憲

命密詩商禁淫聲以時順修大師之事也太史下大夫

二人上士四人注太史史官之長疏其職云讀禮書祭

之日執書以次位常是禮書及鬼神之事也詩鶴鳴箋

誨教也孔疏誨者艾修之解者艾師傅也修修理警史

謂教所未知

之效以聞于王疏

解耆艾師傳○曲禮疏賀瑒云耆至也解耆艾師傳○曲禮疏賀瑒云耆至也

老也疏又言四十九以前通曰強年至五十氣力已衰

髮蒼白如艾中侯準織哲注又言七十曰艾案五十髮

已蒼白則七十可知知耆艾爲師傳者古者五十命爲

大夫周官師氏中大夫保氏下大夫必耆艾而後居此

任而後王斟酌焉解斟酌也酌行也疏○呂氏春秋召

類篇高誘注斟酌取其善而行是以事行而不悖解悖逆也民之有口

也猶土之有山川也財用於是乎出解猶若也山川所

以宣地氣而出財用口亦以宣人心而言善敗猶其有

原隰衍沃也衣食於是乎生解廣平曰原下溼曰隰下

平日衍有溉曰沃疏人所登春秋疏引李巡爾雅注土

地寬博而平正名之曰原釋名原元也如元氣廣大也

水經注引春秋說題辭高平曰太原原端也平而有度

水經注引春秋說題辭高平曰太原原端也平而有度

水經注引春秋說題辭高平曰太原原端也平而有度

水經注引春秋說題辭高平曰太原原端也平而有度

水經注引春秋說題辭高平曰太原原端也平而有度

○解下溼曰限○詩疏引李巡爾雅注下溼謂土地狹
下常沮洳名謂限也說文限下溼也溼幽溼也从水
一所以覆也覆而有土故溼也釋名限墊也墊溼意也
○解下平曰衍○周官大司徒以土會之法辨五地之
物生四曰墳衍左傳孔疏曰衍是高平而美者案賈逵
左傳注下平曰墳衍左傳孔疏曰衍是高平而美者案賈逵
汚者爲衍孔說非是○解有溉曰沃○成四年傳諸大
夫曰郕瑕氏之地沃饒韓獻子曰郕瑕氏土薄水淺則
郕瑕氏有水可溉也孔穎達曰沃是底平而美者
達曰沃是底平而美者口之宣言也善敗於是乎興行
善而備敗解民所善者行之其所惡者備之所以阜財
用衣食者也解阜厚也夫民慮之於心而宣之於口成
而行之胡可壅也若壅其口其與能幾何解與辭也能
幾何言不久也王弗聽於是國人莫敢出言三年乃流
王於彘解流放也彘晉地漢爲彘縣屬河東今日永安

〔疏〕解縣晉至永安○漢地理志河東郡解縣太山在東

過永安縣西鄉注故縣也漢順帝陽嘉三年改曰永

安縣徐伯之郡也漢郡國志引史記曰周穆王封造父

解縣案解在今山西霍州趙城縣境有

厲王說榮夷公〔解〕說好也榮國名夷諡也〔疏〕解榮國至

記周本紀成王既伐東夷息來賀王賜榮伯作貽息慎

夷公當是榮伯後人諡法安人好靜曰夷呂氏春秋

情欲篇厲王染於號公長父榮夷終此說之○詩桑

良夫曰〔解〕芮良夫周大夫芮伯也〔疏〕芮良夫曰○詩桑

侯主卿士也良夫字尚書序云集伯來朝芮伯作旂巢

命武王時也顧命同召六卿芮伯在焉成王時也桓九

年在王使號仲芮伯伐曲沃桓王時也此又厲王之時世

在王朝常爲卿士書敘注芮伯周同姓國杜預云芮國

案地理志臨晉芮鄉故芮國內王室其將卑乎〔解〕卑微

也夫榮公好專利而不知大難〔解〕專擅也〔疏〕榮公至大

屯卦音義引賈逵注難畏憚也夫利百物之所生也〔解〕利生於物也專

利是專百物也天地之所載也〔解〕載成也地受天氣以

成百物而或專之其害多矣〔解〕害謂惡害榮公者多也

孔子曰放於利而行多怨天地百物皆將取焉胡可專

也〔解〕天地成百物民皆將取用之何可專其利所怨甚

多而不備大難以足教王王能久乎夫王人者將導利

而布之上下者也〔解〕導開也布賦也上謂天神下謂人

物使神人百物無不得其極〔解〕極中也〔疏〕禮說極者度

也中也〔疏〕禮說極者度尋聖人因之而制其數權輕重量大小以立度明本末

建終始以立中是爲極

猶曰怵惕懼怨之來也

解怵惕恐懼也故

頌曰思文后稷克配彼天立我烝民莫匪爾極**解**頌周

頌也思文謂郊祀后稷以配天之樂歌經緯天地曰文

克能也烝衆也莫無也匪不也爾女也極中也言周公

思有文德者后稷其功乃能配于天謂堯時洪水稷播

百穀立我衆民之道無不於女時得其中者功至大也

疏立我至爾極○詩鄭箋立當作粒后稷播殖百穀烝

民乃粒或謂尙書烝民乃粒顯有明文况帝以播時

百穀屬之稷孟子亦以樹藝五穀屬之稷則稷之大功

專在養民莫匪爾極亦因人民之育連及之宏嗣訓立

爲立民之道大雅曰陳錫載周**解**大雅文王之二章陳

與鄭義異矣布也錫賜也言文王布賜施利以載成周道

疏大雅至

鄭康成詩譜小雅大雅者周室居西都豐鎬之時詩也大雅之初起自美文王至于文王有聲據盛隆而推原天命上祖考之美哉毛詩作哉毛傳哉也鄭箋哉始也乃由能敷恩惠之施于受命造始周國宣十五年傳引陳錫福流周杜孫韋言文王布陳大利以賜天下故能載行周道錫福流周杜孫韋言文王布陳大利以賜天下故能載亦引陳錫福流周杜孫韋言文王布陳大利以賜天下故能載徧彼因陳桓子施與羣公子惠無弗及勸章取義與此傳意異爾雅哉始也周頌載見毛傳載始也則哉是不卽載也載成周道也言周道之成始于文王也是不布利而懼難乎解言后稷文王旣布利又懼難也故能載周以至於今今王學專利其可乎解言不可也匹夫專利猶謂之盜王而行之其歸鮮矣解鮮寡也歸附周者寡也榮公若用周必敗旣榮公爲卿士解旣已也卿士卿之有事者諸侯不享王流於旼解享獻也

僉之亂宣王在召公之宮解宣王厲王之子宣王靖也

在召公宮者避難奔召公國人圍之召公曰昔吾驟諫

王疏

昔吾驟諫王○驟數也

王不從以及此難解及至

也今殺王子王其以我爲慙而怒乎解殺王子令國人

得殺之也夫事君者險而不慙解君諸侯也在危險之

中不當慙慙謂若晉慶鄭怨惠公復諫違卜棄而不載

怨而不怒况事王乎解怨怨望也怒作氣也乃以其子

代宣王宣王長而立之解僉之亂公卿相與和而修政

事號曰共和凡十四年而宣王立疏宣王至立之○通

一年崩于僉周公召公奉太子靖卽位昭二十六年傳

宣王有志而後效官惠棟曰鄭康成周禮注志古文識

有志謂長而有知識也王伯厚以爲有撥亂之志似非
彘之亂宣王尚幼至始有知識乃授之政○解公卿至
四年○莊子共伯得乎共首司馬彪曰共伯名和諸侯
知其賢請以爲天子即王位十有四年大旱屋焚卜曰
厲王爲祟乃立宣王共伯復歸于宗迨得意于共山
之首呂氏春秋共伯和其行好賢仁厲王之難天子曠
絕而天下皆來請矣案崇既不見于卜則必厲王已崩厲
王崩即應立宣王設使不早焚共伯必久居王位不
去矣何異莽之居攝乎則莊子呂覽之說非也魯連子
云衛州共城縣本周共伯國共伯名和厲王奔彘諸侯
奉和行天子事號曰共和元年十四年厲王崩共伯使
諸侯奉王子靖爲宣王共伯復歸國于衛史記正義引
世家駁之曰釐侯十三年厲王奔彘共伯和行政二十八
年宣王立四十二年釐侯卒太子奔彘共伯和引則共
攻共伯于墓上共伯自殺和爲衛侯据正義所引則共
伯之弟名和顯是兩人非共伯名和也况釐侯之薨宣
王在位已十五年此前二十九名爲流彘之歲共伯安
得爲諸侯而入輔王朝乎則魯連說非也漢書人表承
莊子呂覽魯連之說列共伯和于厲王之後顏師古尊
漢書因注共音恭但莊子半屬寓言魯連亦多橫議未

可據也則班固之說非也汲冢古文厲王十二年出奔
僉十三年共伯和攝行天子事二十六年王陟于亳周
定公召穆公立太子靖爲王共伯和復歸其國案厲王
三十七年癸酉王崩于亳然可徵乃說三十八年攝政
二十一年說五十一王崩于亳然可徵乃說三十八年攝
更屬荒唐故資治通鑑棄而不采則汲冢之說非也水
經清水注重門城在縣故城北二十里漢高帝八年
年封盧龍師爲共侯國即共伯之故國也共伯既歸帝
致逍遙于其山之隱元鄭叔段出奔共杜注今影射
莊子之說而爲之者隱元鄭叔段出奔共杜注今影射
郡共縣則其似即共伯國但襄二十二年傳富辰言文
昭十六國武穆四國周公之允六國而其無聞焉鄭語
史伯言當成周者南北東西各國又及已姓董姓彭姓
禿姓姁姓曹姓之封而共無聞焉既非勤戚之邦又非
神聖之胄而合其總攝萬幾乎則鄭氏之說非也路史
引向秀郭象謂其和者周王之孫懷道抱德食封于共
厲王之難諸侯立之宣王立乃廢案鄭子儀在位十四
年原繁尚不敢召突共和既傳言召孫公以其子代王
則

國人謂是宣王孔穎達曰國語雖不言殺必殺之矣于
王之說非也史記周公召公二相行政號曰共和其說
至當周召以三公而兼六卿故曰公卿此章解從史記
之義昭二十六六年傳諸侯釋位以治王政之事則孔亦從
相行政號曰共和是其釋位以治王政之事則孔亦從
史記也

宣王卽位不籍千畝解籍借也借民力以爲之天子田

籍千畝諸侯百畝自厲王之流籍田禮廢宣王卽位不

復遵古疏不籍千畝○尙書大傳王耆躬耕所以供粢

周頌載芣箋籍田甸師氏所掌王載耒耜所耕之田天

子千畝諸侯百畝籍田之借也借民力治之故謂之籍

田孔疏周官甸師下士一人徒三百人庶人謂徒三百

人王一耕之而使庶人芸芋終之王者役人自是常事

而謂之借者言此田耕耨皆當王親爲之但以聽政治

民有所不暇故借人之力以爲已功故謂之借是韋解

用鄭箋之訓漢書文帝紀注應劭曰籍田千畝爲天下
先籍者帝王典籍之常臣瓚曰景帝詔曰朕親耕后
桑爲天下先木以躬親爲義不得以假借爲稱籍謂
籍也師古曰瓚說是也孔穎達謂凡言典籍追述前
籍爲典籍此籍田在於公地歲歲耕墾此乃當時之
號必以典籍爲名若以事載典籍卽名籍田則天下
何籍矣何獨於此偏得籍名瓚見親耕之言卽云不
非籍矣千畝皆天子親耕乎是孔意亦同韋解史記正
義宣王不修親耕之禮詩雲漢疏皇甫謐以爲宣王
年不籍千畝就文公諫而不聽漢疏皇甫謐以爲宣
六年乃雨以爲二年始不早積五年號文公諫曰解
年謚之此言無所憑據不可依信號文公諫曰解賈侍
中云文公文王母弟號仲之後爲王卿士昭謂號叔之
後西號也宣王都鎬在圻內疏解號叔至西號○君夷
晉賦公所滅隱元年傳杜注號不可夫民之大事在農
西號國宏農陝縣東南有號城

解穀民之命故農爲大事上帝之粢盛於是乎出解出

於農也器實曰粢在器曰盛

疏

上帝之粢盛○禮記月令鄭注孟春之月祈穀

于上帝上帝太微之帝也疏太微爲天中五帝座其

日靈威仰赤曰赤熒怒黃曰含樞紐白曰招拒黑曰

汁光紀郊天各祭所感帝鄭意以冬至祀于圜丘以帝

魯配者皇天也孟春祀于南郊以稷配者上帝也皇天

得兼稱上帝上帝不得兼稱皇天耳周官小宗伯注盥

讀爲黍六案謂六穀黍稷稻粱麥苽甸師以共齋盛注

謂黍稷稻粱之民之蕃庶於是乎生解蕃息也庶衆也

屬可盛簠簋者事之其給於是乎在解共具也給足也和協輯睦於是

平興解協合也輯聚也睦親也財用蕃殖於是乎始解殖長也敦龐純固於是乎成解敦厚也龐大也是故稷

爲大官

解民之大事在農故稷之職爲大官疏

稷爲大官○昭

二十九年傳稷田正也疏月令孟春行冬令則百穀不

入鄭元云首種爲稷也引國語稷爲大官然則百穀稷

爲其長遂以稷名爲農官之長大官長也古者太史順時覲土解覲視也陽

癰憤盈土氣震發解癰厚也憤積也盈滿也震動也發

起也農祥晨正解農祥房星也晨正謂立春之日晨中

於午也農事之候故曰農祥也疏農正晨祥○太平御覽

祥房星也晨正謂晨見東方立春之日也韋卽唐國注農

說文辰者農之時也故房星爲晨田候也史記集解張

晏曰龍星左角曰天田則農祥也晨見而祭正義漢舊

儀云龍星左角爲天田右角爲大庭天田爲司馬教人

種百穀爲稷辰之神爲靈星故于壬辰日祀靈星于東

南東都賦解綜注房星正日月底於天廟解底至也天

月中晨見南方農祥之候廟營室也孟春之月日月皆在營室疏○天廟至營室

史記天官書營室爲清廟司馬貞引元命包曰營室十

星誕陶精類始立紀綱包物爲室張守節曰營室七星

天子之宮亦爲元宮亦爲清廟主上公亦天子離宮別館也漢書外戚傳營室室天之定孟春之月皆在營室者月令鄭注孟長也日月之行一歲十二月會聖人因其會而分之以爲大數焉建寅斗所建命其四時此云孟春者日月會于艮也詩疏引李巡爾雅注艮營室之次也孔頴達營室東壁也北方宿名是營室在艮營室之次也孔頴達曰案三統歷立春日在危三度正月日在室一度行度元嘉歷立春日在危三度正月日在室一度行迎十一月行二十九度過月更行疾一月行天一度三百六十五日與日會所度之次謂之爲辰艮營室之次號立春之日與日在危十六度月半雨水之時在營室十四度月令獨言日與不言月方怒謂陽以成歲而陰特從之故以日爲主與書言日出日納日而不及月同意然宏嗣釋傳文並言日月土乃脈發解脈理也農書曰春土蓋本月令鄭注義月土乃脈發解脈理也農書曰春土冒檄陳根可拔耕者急發疏曰解農書至急發○引農書

月令疏漢書藝文志農書有九家百一十四篇內氾勝
之十六篇鄭所引農書先師以爲氾勝之書漢書注氾
音泥成帝時爲侍郎使教田三輔上長言極者極也
孔穎達口以冬土定故稼厥于地與地平孟春土氣升
長而膏覆于極則陳根朽爛拔先時九日解先立春
而去之耕者急速開發其地也

日也大史告稷曰自今至於初吉

解

初吉二月朔日也

詩云二月初吉陽氣俱烝土膏其動解烝升也膏土潤

也其動潤澤欲行弗震弗渝脈其滿眚穀乃不殖解震

動也渝變也眚災也言陽俱升土膏欲動當卽發動變

寫其氣不然則脈滿氣結更爲災病穀乃不殖稷以告

解以大史之言告王王曰史帥陽官以命我司事解史

大史陽官春官司事主農事官也曰距今九日土其俱

勳解距去也王其祗祓監農不易解祗敬也祓齊戒祓

除也不易不易物土之宜疏王其祗祓○周官女巫掌

志天子祓孟康曰崇絜自除祓除劉王乃使司徒咸戒公

卿百吏庶民解百吏百官也庶民甸師氏所掌之民主

耕耨王之籍田者疏解庶民至籍田○周官甸師氏徒

籍田千畝籍借此三百人耕司空除壇於籍解司空掌

耨故多也此卽甸師所掌也司空除壇於籍解司空掌

地也疏司空至於籍○荀子王制篇修隄梁通溝洫行

所芸艾司空事也淮南時則訓正月官司空高注司空

主土春土受嘉穡故官司空大戴禮盛德篇司空之官

以成禮潘安仁籍田賦青壇蒨其嶽立兮翠幕默以雲

布結崇基之靈祉兮啓四塗之廣阡呂延濟注春上青

故用青壇李善注崇基謂壇也○解司空掌地○漢書

百官公卿表顏注空文也古人穴居主象土爲穴以居

也人命農大夫咸戒農用解農大夫田畯也農用田器也

疏傳田畯大夫田畯○爾雅釋言畯農夫也謂詩七月毛

亦謂之田畯淮南時則訓四月官田呂氏春秋孟春紀命

田舍東郊高注命農大夫舍止東郊又謂之治田荀子

王制篇相高下視肥瘠序五種省農功謹畜藏以時順

修使農夫僕力而寡能治田之事楊倞注治田畯也

又謂之農率周小正農率均田又謂之嗇夫儀禮觀禮

嗇夫承命周禮載師鄭注六鄉餘地自二百里以外天

子使大夫治之或農時特命主其田農之事案田畯不

見于周官以其無正職也猶之宋時牧民之官加內勸

農使之先時五日解先耕時也誓告有協風至解誓樂

太師知風聲者協和也風氣和時候至也立春日融風

疏荀子王制篇修憲命審詩商禁淫聲以時順修太師

之事也協和也者呂氏春秋上農篇高注和風所以成

穀也禮說曰康成謂十辰皆有風吹律以知和否其道

凶矣古人制管候氣所以候風風出乎土故候風必于
土古有候風地動儀蓋保章之術也虞幕能聽協風以
成樂物生所謂王卽齊宮解先齊之宮百官御事各卽
察天地之和

其齊三日

解

御治也王乃涓濯饗醴

解

涓沃也濯洗也

饗飲也謂王沐浴飲醴酒及期解期耕日也鬱人薦鬯

解

鬱鬱金香艸宜以和鬯酒也周禮鬱人掌裸器凡祭

祀賓客和鬱鬯以實彝而陳之共王之齊鬯疏

鬱人薦

說曰鄭司農云鬱十葉爲貫百二十貫爲築許叔重云

十葉爲貫百廿貫築以煮之爲鬱其文从鬱多其飾也

明鬯皆和鬱應劭曰鬱芳艸也百艸之華煮以合釀黑

黍或說今鬱金香說文自穀之馨香也象嘉穀在裏中

之形也所以振之鬯以拒釀鬱艸芬芳攸

疏

下土二人鄭注彝亦尊也

犧人司尊也掌共酒醴者

疏

犧人薦醴○周官司尊彝

犧尊飾以翡翠與雉毛傳犧尊有沙飾之訓同但阮

謀禮圖犧尊飾以牛尊腹之上畫爲牛形王肅云魯郡

於地中得齊大夫子尾送女器有犧尊如牛而背上負

尊司尊彝兼司六尊而以犧人目之者農用莫重于牛

故單犧尊以王裸鬯饗醴乃行解裸灌也灌鬯飲醴皆

統包六尊也王裸鬯饗醴乃行解裸灌也灌鬯飲醴皆

所以自香潔疏王裸至乃行○大戴禮夏小正篇初歲

而祭耒南都賦李善注引韓詩說曰醴甜而不澁也漢

書楚元王傳顏注醴甘酒也少鞠多米一宿而熟案裸

鬯用以祭耒飲醴所以百吏庶民畢從及籍后稷監之

助氣皆取其香潔也

解監察也膳夫農正陳籍禮解膳夫上士也掌王之飲

食膳羞之饋食農正田大夫主數陳籍禮而祭其神爲

農祈也疏解膳夫上士○周禮膳夫上士二人中士四

珍膳夫食官之長案食以穀爲主凡王之饋食用六穀

愛農所以重穀亦曰膳宰荀子王制篇宰爵知賓客祭

祀饗食犧牲牢之數故
與農正同主籍禮也

太史贊王解贊導也王敬從之

王耕一撥解一撥一耜之撥也王無耜以一耜耕疏解

撥至耜耕○撥宋公序補音引切韻有戈伐二音又作

尺謂之耜是匠人之伐即撥也鄭注古者耜一金兩人

併發之其壟中曰耜上曰耜謂耒頭金金廣五寸末面

謂之底底亦當廣五寸二耜爲耒耜者二人各執一耜若

長沮桀溺耦而耕此兩人耕爲耦共一尺一尺深者謂

之耦一耜發土故曰耜王者尊無與敵故用一耜而獨

各執一耜發土故曰耜王者尊無與敵故用一耜而獨

賦所載李善注並引作一耜班三之解班次也王以下

各三其上也王一撥公三卿九大夫二十七也疏解至

十七○呂氏春秋孟春紀天子三推三公五推卿諸侯

大夫九推高注禮以三爲文故天子三推三公五推卿諸侯

次也謂公卿大夫各三其上三公三發卿九發大夫二十
七發如高注所言以三推爲一發例之則公當九推卿
諸侯大夫當八十一推安得以五推爲三發九推爲二
十七發邪蓋發與推異義說文公言西周之制呂氏言
秦制故韋解不庶人終於千畝解終盡耕也疏庶人至
用呂氏說也庶人終於千畝解終盡耕也疏庶人至
月令疏貴賤耕發相三之數不云士者士賤不與耕也
案庶人卽甸師屬徒三百人徧墾千畝終王之功也

其后稷省功大史監之司徒省民大師監之畢宰夫陳

饗膳宰監之

解宰夫下大夫也膳宰膳夫也膳夫贊王

王歆太牢

解

歆饗也班嘗之

解

公卿大夫也疏

班嘗之

反執爵于大寢三公九卿諸侯皆御名曰勞酒燕禮在
寢執爵于大寢則是燕禮此云饗者孔疏謂用饗之饌
具而行燕禮以勞羣臣也庶人終食解終畢也是日也
此周制而秦沿用之者

警帥音官以省風土

解

音官樂官也風土以音律省土

風風氣和則土氣養

疏

解風土至氣養○呂氏春秋六月紀天地之氣合而生風日至

則月鍾其風以生十二律禮說管以候十二月之氣至

風出平土故候風必以土漢官靈臺待詔有候風十二

人又星官有風閣占四隅之風內經六氣之位土位之

下風氣承之康成據五行傳風爲土氣土乃木如東方

之木合于中央之土而爲夫妻案洪範上爰稼穡言土

之用莫大于稼穡而稼穡屬

木故合占之以驗其和否也

廩於籍東南鍾而藏之

解

廩御廩一名神倉東南生長之處鍾聚也謂爲廩以藏

王所籍田以奉蠶盛

疏

廩於籍東南○淮南時則訓藏

收之穀也神倉倉也時則訓又曰二月官倉穀梁子曰

向粟而內之三宮三宮米而藏之御廩此不言三宮米

具不而時布之於農

解

布賦也稷則徧戒百姓紀農協

功

解紀猶綜理也協同也曰陰陽分布震雷出滯

解

陰

陽分日夜同也滯蟄蟲也明堂月令曰日夜分雷乃發

聲始電蟄蟲咸動啓戶始出疏王肅注尚書曰永則晝

漏六十刻夜漏四十刻日短則晝漏四十刻夜漏六十

刻日中宵中則晝夜各五十刻疏謂冬至則晝四十五夜

五十五夏至則晝六十五夜三十五春秋分則晝五十

五半夜四十五半案諸家皆以晝夜爲百刻今法分晝

夜爲九十六刻當春秋二分晝得四十八夜得四十八

也○解滯蟄至始出○說文震劈歷震物者釋名震戰

也所學輒破若攻戰也淮南天文訓陰陽相薄爲雷釋

名雷礪也如轉物有所礪雷之聲也穀梁隱九年傳震

雷也則震雷可通名月令疏戶穴也謂發所蟄之穴蟄

蟲早者孟春乃出左傳啓蟄而郊是也蟄蟲晚者土不

備舉辟在司寇解舉發也辟臯也在司寇司寇行其臯

疏辟在司寇○大戴禮盛德篇司寇乃命其旅曰徇解

之官以成義故臯其不備舉者

乃命其旅曰徇解

旅衆也徇行也農師一之解一之先往也農師上士農

正再之解農正后稷之佐田畯也故次農師后稷三之

解后稷農官之君故次農正司空四之解司空主道路

溝洫故次后稷司徒五之解司徒省民故次司空大保

六之大師七之解大保大師天子三公佐王論道汎濫

衆官不特掌事故次司徒大史八之解大史掌達官府

之治故次大師宗伯九之解宗伯卿官掌相王之大禮

若王不與祭則攝位故次大史王則大徇解大徇帥公

卿大夫親行農也耨穫亦如之解如之如耕時也民用

莫不震動恪恭於農解用謂田器也修其疆畔日服其

鉶不解於時

解

疆境也畔界也鉶鉶屬**疏**

解鉶鉶屬○

趙毛傳以鉶爲務廣雅定謂之耨爾雅斲斷謂之

定郭璞注鉶屬釋名云鉶助也去穢助苗長也財用

不乏民用和同是時也王事唯農是務無有求利於其

宮以干農功

解

求利謂變易役使以亂農功三時務農

而一時講武

解

三時春夏秋一時冬也講習也故征則

有威守則有財若是乃能媚於神

解

媚說也而和於民

矣則享祀時至而布施優裕也

解

優饒也裕緩也今天

子欲修先王之緒而棄其大功匱神之祀而困民之財

解

匱神之祀不耕籍也困民之財取於民也將何以求

福用民王弗聽三十九年戰於千畝王師敗績於姜氏

魯武公以括與戲見王解武公伯禽之元孫獻公之子

武公敖也括武公長子伯御也戲括弟懿公也疏武

公敖○史記魯世家魯公伯禽卒子考公立卒弟

懿是謂魯公卒子厲公立卒魯人立其弟是為獻公

卒子真公立卒子戲公立卒弟敖立是為武公是獻公為伯禽元

孫而武公則獻公之子○解括武至懿公○世家又言

宣王立戲為魯太子夏武公歸而卒戲立是為懿公九

年懿公括之子伯御與魯人攻殺懿公而立伯御兄

伯御乃括之子非即括也漢書人表亦言伯御懿公兄

以糾韋解之謬宋說是王立戲解以為太子樊仲山父

諫曰不可立也解仲山父王卿士食采于樊疏樊仲山

子閉居引大雅維申及甫鄭注以甫為仲山父是以山

父為四嶽之後或依韓詩說也漢書杜欽傳仲山甫異

姓之臣無親于宣出封于齊鄧展晉灼並謂韓詩誤而

欽引之以阿附權貴則山甫為周異姓之說非也權德

輿曰魯獻公仲子曰仲山甫入輔于周食采于樊以山
甫爲姬姓僖二十五年杜注樊一名陽樊野王縣西南
有陽城周本紀正義引括地志漢樊縣城在宛不順必
州瑕邱縣西南三十五里古樊國仲山甫所封

犯

解不順立少也犯魯必犯王命而不從犯王命必誅

故出令不可不順也令之不行政之不立解令不行卽

政不立行而不順民將棄上解使長事少故民必棄上

夫下事上少事長所以爲順也今天子立諸侯而建其

少是教逆也若魯從之而諸侯倣之王命將有所壅解

言先王立長之命將壅塞不行若不從而誅之是自誅

王命也解誅王命者先王之命立長今魯亦立長若誅

之是自誅王命也是事也誅亦失不誅亦失解誅之則

誅王命不誅則王命廢天子其圖之王卒立之魯侯歸而卒及魯人殺懿公解懿公戲也而立伯御解伯御括也三十二年宣王伐魯立孝公解孝公懿公之弟稱也
疏立孝公○史記魯世家伯御卽位十一年周宣王伐魯殺其君伯御魯懿公弟稱立是爲孝公諸侯從是而不睦解不睦不親睦於王

宣王欲得國子之能導訓諸侯者解賈侍中云國子諸侯之嗣子或云國子諸侯之子欲使訓導諸侯子也唐

尙書云國子謂諸侯能治國子養百姓者昭謂國子同

姓諸姬也凡王之子弟謂之國子導訓諸侯謂爲州伯

者也

疏

解導訓至州伯○王制鄭注殷之州長曰伯虞夏及周皆曰牧正義州猶聚也因其州內賢侯

非州外別取州伯則知以賢侯爲之故下曲禮以侯爲
牧周制牧下有二伯則侯伯皆得爲之故詩旄邱責衛
伯也衛是侯爵而爲州伯張逸疑而問鄭鄭答云侯德
適任之謂衛侯之德適可任伯也然則伯之賢者亦可
進爲牧故周禮宗伯八命作牧注謂侯伯有功德者加
命得專征伐是伯得爲牧也傳文明言魯侯考則在既
立之後訓順古字雖通而史記謂宣王擇魯樊穆仲曰
公子以爲魯後敘此事于未立之前非也

魯侯孝

解

穆仲仲山父之謚也猶魯叔孫穆子謂之穆

叔王曰何以知之對曰肅恭明神而敬事耆老

解

耆陳

黎也賦事行刑必問以遺訓

解

遺訓先王之教而咨於

故實

解

咨謀也故實故事之是者不干所問不犯所咨

王曰然則能訓治其民矣乃命魯侯於夷宮

解

命爲侯

伯也夷宮者宣王祖父夷王之廟古者爵命必於祖廟

疏解夷宮至之廟○隱五年傳考仲子之宮
僖二十四年傳朝于武宮是廟稱宮也

宣王既喪南國之師**解**喪亡也敗於姜戎時所亡也南

國江漢之間也詩曰滔滔江漢南國之紀**疏**宣王至之

大師之移諸侯各以兵從下追桓王伐鄭尙有陳蔡衛

三國鄭語當成周者南有荆蠻申呂應鄧陳蔡隨唐蓋

宣王伐姜戎時起南國之師以佐兵威及敗而南國之

人歸焉喪亡也者昭十九年傳鄭子產曰今又喪我寡

大夫乃料民於大原**解**料數也大原地名**疏**名○大原地

既修大原鄭志引地理志太原今以爲郡名班志續漢

志太原郡屬并州并州禹貢冀州春秋晉敗狄于大鹵

三傳皆作太原又趙鞅入于晉陽以叛皆卽太原也然其地

以處參虛又趙鞅入于晉陽以叛皆卽太原也然其地

在河東非宣王料民之地若料民之太原卽詩所言殽

伐殽猶至于太原是也詩先言至于涇陽則太原當鄰

涇陽後漢書靈帝紀段熲破先零于涇陽注涇陽屬安

定郡在原州郡縣志原州平涼縣本漢涇陽地周人之

禦獵猶必在涇原之間若河東之太原則在鎭京東千
五百里豈有寇從西來而兵乃東出邪料民當亦爲禦
戎之備則料民之太原卽今之平涼後漢西羌傳穆王
遷戎于太原又云夷王命伐太原之戎又云宣王遣兵
伐太原之戎不克皆平涼之
太原而非河東之太原也仲山父諫曰民不可料也

夫古者不料民而知其少多司民協孤終解司民掌登

萬民之數自生齒以上皆書於版協合也無父曰孤終

死也合其名籍以登于王疏解司民至中民至於版○周官司

生齒版今戶籍而司商協名姓解司商掌賜族受姓之官

商金聲清謂人始生吹律合之定其姓名疏司商協名

司商者大司樂協名姓者同姓合族異姓主名故昏禮
問名太師掌同律以合陰陽陰柔陽剛殷之德陽以子
爲姓周之德陰以姬爲姓殷王以男書子周王以女書
姬姓有陰陽出於律呂天間啓棘賓商荀子審詩商古

樂皆名商故大司樂一名司商○解謂人至姓名○太平御覽引春秋元命苞律之爲言率也所以率氣合達也案古者世子生太師聽其泣聲持銅而吹之曰聲中某律漢書京房傳房木姓李推律自定爲京氏則吹律定姓之法至漢司徒協旅○解司徒掌合師旅之衆司寇時尚有習之者司徒協旅○解司徒掌合師旅之衆司寇協姦○解司寇刑官也掌合姦民以知死刑之數○疏寇至之數○周官司小司寇歲終則令牧協職○解周禮牧人掌羣士計獄弊訟是知死刑之數○疏牧協職○解周禮牧人掌牧養犧牲合其物色之數○疏人下士六人注牧人養牲于田野者其職曰掌牧六牲而阜蕃其物則六畜皆牧人主養詩無羊篇唯言牛羊者以祭祀爲重案祭祀爲民祈福故合其物色工協革○解工百工之官革更也更以告民力之普存也工協革○解工百工之官革更也更制度者合其數也○疏故也故革以更易爲義西都賦工用高曾之規矩謂因時損益而不戾先王之法度也場協入○解場人掌場圃委積

之珍物斂而藏之疏場協入○呂氏春秋仲秋紀乃命

爲場協入也○解場人至珍物疏廩協出解廩人掌九穀

○周官注珍異蒲荷枇杷之屬疏廩協出解廩人掌九穀

出用之數疏人中士八人下士十有六人以歲之上下

數邦用以知足否以詔國用以治年之凶豐文選李善

注引蔡邕月令章句穀藏曰倉米藏曰廩○解廩人掌

九穀○周官大宰鄭司農注九穀黍稷秬秳麻大是則

小豆大小麥鄭康成注九穀無秬大麥而有粱苽是則

少多死生出入往來者皆可知也於是乎又審之以事

解事謂因籍田與民狩以備知其數也王治農於籍解

籍籍于千畝田也蒐於農隙解春田曰蒐蒐擇也禽獸

懷妊未著搜而取之也農隙仲春既耕之後隙閒疏春

田至取之○隱五年傳耨稷亦於籍解言王亦至於籍

杜注蒐索擇取不孕者耨稷亦於籍解言王亦至於籍

考課之獮於既烝解秋田曰獮獮殺也順時始殺也烝

升也月令孟秋乃升穀天子嘗新既升謂仲秋也疏解

田至始穀○說文獮秋田也或作孫宗廟之田也周官

鄭注秋田主用罔中殺者多也若殺而後止隱五年傳

杜注以殺爲獮於畢時解冬田曰狩圍守而取之畢時

名順秋氣也疏解冬田至取之○說文狩犬田也冬曰

時務畢也疏解故田犬便于逐利也詩疏引李巡爾雅

注圍守取之無所擇也隱五年傳是皆習民數者也又

注冬物畢成獲則取之無所擇也是皆習民數者也又

何料焉解習簡習也不謂其少而大料之是示少而惡

事也解言王不謂其衆少而大料數之是示以寡少又

厭惡政事不能修之意也臨政示少諸侯避之解示天

下以寡弱諸侯將避遠也言不親附也治民惡事無以

賦令

解

言厭惡政事無以賦令也且無故而料民天之

所惡也

解

故事也天道清淨也害於政而妨於後嗣

解

害政敗爲政之道也妨後嗣謂將有禍亂也王卒料之

及幽王乃廢滅

解

幽王宣王之子幽王宮涅也滅謂滅

西周也

幽王二年西周三川皆震

解

西周鎬京也幽王在焉蓋

岐之所近也三川涇渭洛出於岐山也震動也地震故

三川亦動也川竭也

疏

三川至岐山○涇水漢地理志出安定涇陽縣開頭山東南

至京兆陽陵縣入渭渭水漢地理志出隴西郡西南鳥

鼠山西北南谷山東至京兆船司空縣入河洛水括地

志一名漆沮水源出慶州洛源縣白於山東南流酈丹

同三州至華陰北南流入渭王伯厚詩考引寰宇記漆

水自耀州同官縣東北界來經華陰縣合沮水地
志出北坊州昇平縣北今坊州宜君縣西北境寶宇記
沮水自坊州至耀州華原合漆水至同州朝邑縣東南川
遂爲沮水漆沮合流至同州漆水經寶宇記
渭齡謂漆沮合流至同州漆水經寶宇記
不言合洛者畧也職方氏雍州其浸渭洛水經渭水
又東過華陰縣洛水入焉關驪山北地西夷中洛東南
南隆形訓洛水出獵山左馮翊山在北夷中洛東南
流人渭說文洛水出獵山左馮翊山在北夷中洛東南
祖望據程泰之說謂漆沮合洛至華原而西合于沮
在漆西受沮而南遂合漆沮爲洛又在漆沮合流之東
州而始合杜君卿亦謂漆沮爲洛者三源合流也王伯
厚謂北條荆山在襄德縣西正洛水之原洛水東南入
禹貢北條荆山在襄德縣西正洛水之原洛水東南入
渭雍州則襄德縣南有疆梁洛水發源之
地矣至禹貢導洛自熊耳之洛卽水經注洛水至成皇
西入河此入河之洛與熊耳之洛也三川所出之洛迥
漢改洛爲碓者卽熊耳之洛也三川所出之洛迥
地理志出筭頭山淮南一名薄洛山故涇山在鳥鼠
渭水經注出首陽縣首陽山渭首亭南谷山在鳥鼠

山西北縣有高嶺上有城號渭源城渭水出焉洛卽
漆沮出洛源縣南於山皆非岐山也韋解謂渭洛出
于岐山蓋因淮南本經訓江河水三川絕而不流高注三
川渭渭汧汧也出岐山又淮南真訓亦云三川涸則
亦謂渭汧汧汧汧汧汧汧汧汧汧汧汧汧汧汧汧汧汧汧
涇渭汧汧汧汧汧汧汧汧汧汧汧汧汧汧汧汧汧汧汧
之三川也三川均非發源岐山宏綱尚洛者周幽時所
耳○解震動至川竭○漢書五行志應劭注地震三
川竭也顏師古注川竭○震耳故將壅塞伯陽父曰周將
非地震也案韋解本應注其義爲長伯陽父曰周將
亡矣解伯陽父周大夫疏伯陽父○周本紀幽王褒姒
曰禍成矣集解引唐固曰伯陽父周柱下史老子也司
馬貞曰幽王元年至孔子卒三百餘年老子當孔子時
唐固說非也案漢五行志服
序次也若過其序民亂之也解過失也言民者不敢斥
王也陽伏而不能出陰迫而不能烝解烝升也陽氣在

下陰氣迫之使不能升也

疏

解 蒸升至能升○春秋文

同賈誼鵬鳥賦雲蒸雨降兮李善注引素問地氣上爲雲是亦有升義漢五行志應劭注迫陰迫陽使不能升

也於是**有地震**

解

陰陽相迫氣動于下故地震也今三

川實震是陽失其所而鎮陰也

解

鎮爲陰所鎮竿也疏

解爲陰所鎮竿○鎮史記周本紀漢書五行志並作填漢書應劭注失其所失其道也填陰爲陰所填不得升

也陽失而在陰

解

在陰在陰下也

川源必塞

解

地動則

泉源塞

疏

川源必塞○漢五行志

源塞國必亡

解

國依

山川今源塞故國將亡也夫水土演而民用也

解

水土

氣通爲演演猶潤也演則生物民得用也

疏

猶潤○說

文演水脈行地中漢五行志應劭注演引也所以引出土氣者也

水土無演民乏財用

不亾何待解水氣不潤土枯不養故乏財用昔伊洛竭

而夏亾解伊洛竭洞也伊出熊耳洛出冢嶺禹都陽城

伊洛所近疏熊耳山在東伊水出漢地理志安農郡盧氏

四百五十里水經伊水注伊水出南陽魯陽縣西夏渠

山酈注山海經葛渠之山伊水出焉淮南子伊水出上

魏山地理志曰出熊耳山卽麓大同陵巒互別爾夏本

紀正義引括地志伊水出虢州盧氏縣東巒山東北流

入洛地理志又云禹貢雒水出雒上冢嶺山東北至鞏

入河酈志郡行千七十里豫州川水經洛水出京兆上

洛縣酈志亦言洛水出商州洛南縣冢嶺山東流經洛

引括地志亦言洛水出商州洛南縣冢嶺山東流經洛

州郭內又合伊水是河竭而商亾解商人都衛河水所

宏嗣從地理志也河竭而商亾解商人都衛河水所

經疏又東北過衛縣南又東北過濮陽縣北今周德

若二代之季矣解二代之季謂桀紂也其川源又塞塞

必竭夫國必依山川解依其精氣利澤也山崩川竭

之徵也川竭山必崩解水泉不潤枯朽而崩若國亡不

過十年數之紀也解數起于一終于十十則更故曰紀

夫天之所棄不過其紀是歲也三川竭岐山崩疏三川

崩○漢五行志京房易傳君臣相背厥異名水絕顏注

有名之水案申侯已叛心是君臣相背也漢五行志

又言劉向以爲陽失在陰者謂火氣來煎枯水故川竭

也山川連體下竭上崩事執然也此川竭致山崩之義

十一年幽王乃滅周乃東遷解東遷謂平王遷於洛邑

疏幽王至東遷○史記周本紀幽王三年褒姒爲后褒

姒不好笑幽王欲其笑萬方故不笑幽王爲燧燧大

鼓有寇至則舉燧火諸侯恐至至而無寇褒姒乃大笑

幽王說之爲數舉燧火其後不信諸侯益不至又廢申

后去太子申侯怒與繒西夷犬戎攻幽王舉燧火徵兵

兵莫至遂殺幽王驪山下虜褒姒盡取周賂而去于是

諸侯乃卽申侯共立故幽王太子宜臼是爲平王以奉周祀平王立後東遷於雒邑

惠王三年解惠王周莊王之孫釐王之子惠王毋涼也

三年魯莊十九年疏王解惠王至毋涼○史記周本紀釐王五年崩子惠王闡立索隱曰世

本名毋涼是邊伯石邀蒍國出王而立王子解三子

周大夫解莊王之少子王姚之子王姚嬖于莊王生子

釐子釐有寵蒍國爲之師及惠王卽位取蒍國之圃及

邊伯之宮又收石邀之秩故三子出王而立子釐王處

於鄭三年子釐飲三大夫酒子國爲客解子國蒍國也

客上客也樂及徧舞解徧舞六代之樂也謂黃帝曰雲

門堯曰咸池舜曰蕭韶禹曰大夏殷曰大濩周曰大武

一曰諸大夫偏舞也

疏解謂黃至大武○周官大司樂

能成名萬物以明民共財其德如雲之出呂氏春

秋仲夏紀黃帝又命伶倫與榮將鑄十二鐘以和五音

以施英韶命之曰咸池樂記咸池之備矣鄭注黃帝所作

樂名堯增修而用之咸池言也池之言施也言德之無不

施也漢書禮樂志顏注池言其包容浸潤也呂氏春秋

仲夏紀舜立仰延乃梓梓史之修九招六列六英以明帝

二十三弦之瑟帝舜乃合贊修九德能紹堯之五湖注之

德大司樂鄭注大磬舜樂也言其德能紹堯之五湖注之

春秋仲夏紀禹立降通滂水以導九河疏三昭江五湖注之

東海以利黔首命皋陶作爲夏籥九成昭昭其功大司

樂鄭注大夏禹樂也禹治水爲夏籥九成昭昭其功大司

樂記夏大也鄭注言禹治水爲夏籥九成昭昭其功大司

紀湯率六州以討桀罪功大堯舜之德呂氏春秋伊

尹作爲大濩大司樂鄭注大濩湯樂也湯以寬治民而

除其邪言其德能使天下得其所以也漢書禮樂志漢

救民也呂氏春秋仲夏紀武王以六師伐殷六師未至

以銳兵克之牧野乃薦俘馘于京太室命周公爲作

大武大司樂鄭注大武王樂也武王伐紂以除其害

言其德能成武功也。○解一曰：至徧舞。○內則十三舞，勺、二、十、舞、大、夏、大、司、樂、以、樂、舞、教、國、子、鄉、大、夫、賓、興、賢、能、曰、和、容、是、皆、士、大、夫、親、舞、襄、十、六、年、傳、晉、侯、與、諸、大、夫、宴、于、溫、使、諸、大、夫、舞、曰、歌、詩、必、類、杜、注、謂、使、諸、大、夫、起、舞、以、助、宴、飲、王、子、饋、享、三、子、則、徧、舞、自、指、三、子、起、舞、若、六、代、之、樂、則、雲、門、以、祀、天、神、咸、池、以、祭、地、祇、大、磬、以、祀、四、望、大、夏、以、祭、山、川、大、濩、以、享、先、鄭、厲、公、見、號、叔、解、此、大、武、以、享、先、祖、于、享、臣、無、當、也、厲、公、鄭、莊、公、之、子、厲、公、突、號、叔、王、卿、士、號、公、林、父、也、曰、吾、聞、之、司、寇、行、戮、君、爲、之、不、舉、解、不、舉、不、舉、樂、也、而、况、敢、樂、禍、乎、今、吾、聞、子、釁、歌、舞、不、思、憂、夫、出、王、而、代、其、位、禍、孰、大、焉、臨、禍、忘、憂、是、謂、樂、禍、禍、必、及、之、盍、納、王、乎、號、叔、許、諾、鄭、伯、將、王、自、圉、門、入、號、叔、自、北、門、入、解、二、門、王、城、門、也、殺、子、釁、及、三、大、夫、王、乃、入、

十五年有神降於莘解惠王十五年魯莊三十二年降

下也下者言自上而下有聲象以接人莘號地疏下解降

號地○莊三十二年春秋疏易稱神也者妙萬物而爲

言者也雖復鬼神之神亦無形象可見今言神降則人

皆聞王表言語與神無異而形不可見今此神降于莘

蓋亦王表之類神者氣也當在人土今下接人故稱降

也莘在陝縣陝石鎮西十五里隱元傳注宏農陝縣東

南有號城故知莘爲西號地也路王問於內史過解內

史指爲文王如母家之莘非也

史周大夫過其名掌爵祿廢置及策命諸侯孤卿大夫

疏解內史周大夫○周官內史中大夫一人曰是何故

固疏下大夫二人過之爵未知爲中爲下也

固有之乎解故事也固猶嘗也對曰有之國之將興其

君齊明中正解齊一也中衷也精潔惠和其德足以昭

其馨香解惠愛也馨香芳香之升聞者其惠足以同其
民人解同猶一也神饗而民聽民神無怨故明神降之
觀其德政而均布福焉國之將亾其君貪冒辟邪解冒
抵冒也淫佚荒怠麤穢暴虐其政腥臊馨香不登解腥
臊臭惡也登上也芳馨不上聞于神神不饗也傳曰黍
稷非馨明德惟馨其刑矯誣解以詐用法曰矯加誅無
辜曰誣百姓攜貳解攜離也貳三心也明神弗蠲解蠲
潔也而民有遠志解欲叛也明神怨痛無所依懷解懷
歸也故神亦往焉觀其苛慝而降之禍解苛煩也慝惡
也是以或見神以興亦或以亾昔夏之興也融降於崇

山解融祝融也崇崇高山也夏居陽城崇高所近疏融

祝融也○司馬相如大人賦張揖注祝融南方炎帝之佐獸身人面乘兩龍○解崇崇至近之○說文繫傳引

國語章解嵩古通用崇字邵晉涵曰史記集解引劉熙

孟子注益辟禹之子在崇高之北是崇亦作崇或體作

嵩漢書元封元年令祠官加增太室祠以山下戶三百

爲之奉邑名曰崇高宏嗣指嵩爲崇高據漢制也漢郡

禹貢有外方山毛詩譜外方之山卽嵩水經嵩高爲中

岳在潁川陽城縣西北酈注其亾也回祿信於聆遂解

西南有少室東北有太室也其亾也回祿信於聆遂解

回祿火神再宿爲信聆遂地名疏解回祿至地名○昭

于元冥回祿知回祿爲火神疏楚之先吳回爲祝融或

云回祿卽吳回也說文解字引作回祿信于聆遂關

商之興也檮杌次於丕山解檮杌鯀也過信曰次丕大

邳山在河東疏

檮杌檮杌至河東○文十八年傳賈逵注

檮杌頑凶無疇匹之貌謂鯀也漢書溝

漁志大伾下引尚書鄭注在修武武德之界張揖顏
古云在成皋爾雅山一成曰伾山止一成不必指最高
之山以當之也水經注洛水東逕成皋北又東逕大伾
下又東合汜水汜水爲成皋所屬而修武故城在今獲
嘉縣北地在城皋之東南武德故城在今武陟縣地在
成皋之東漢書臣瓚注尚書僞孔傳獨創爲大伾在黎
陽之說括地志因言大伾山今名黎陽東山又曰青壇
山在衛州黎陽南七里果如瓚等及括地志所言則黎
陽地近冀而居北禹貢東遡洛汭之下必云北至大伾
何以云至于大伾乎則大伾之在洛汭東明矣地理志
顏注洛汭在河東其亾也夷羊在牧解夷羊神獸牧商
處故曰山在河東其亾也夷羊在牧解夷羊神獸牧商
郊牧野疏淮南本經訓高注夷羊土神今云神獸自別
有周之興也鷩鷩鳴於岐山解三君云鷩鷩鳳之別名
據周之興也鷩鷩鳴於岐山解三君云鷩鷩鳳之別名
也詩云鳳凰鳴矣于彼高岡其在岐山之脊乎疏鷩鷩
之脊○說文解字鷩鷩鳳屬神鳥也江中有鷩鷩似鳬
而大赤曰案江中之鷩鷩自是常有與神鳥同名異實

猶化鹿大者曰麟非西狩所獲之麟也且說文雖言鳳屬而非與鳳爲一若果鳳之別名是卽鳳矣後漢郡國志美陽有岐山注引左傳椒舉曰成王有岐山之蒐山海經曰其上多白金其下多鐵漢地理志顏注岐山在美陽卽今之岐州岐山縣箭括嶺卷阿詩作於成王十年成王都鎬岐山不在鎬郊故毛傳鄭箋均不指高岡爲岐山亦未知其何據也其衰也杜伯射王於鄩解

鄩鄩京也杜國伯爵陶唐氏之後周春秋曰宣王殺杜伯而無辜後三年宣會諸侯田於圃日中杜伯起於道

左朱衣朱冠操朱弓朱矢射宣王中心折脊而死疏杜

至於鄩○水經渭水注沆水西北流逕杜縣之杜京西

西北流逕杜伯冢南杜伯與其友左儒事宣王儒無罪

見害杜伯死之范宣子曰自虞以上爲陶唐氏在夏爲御龍氏在商爲豕韋氏在周爲唐杜氏杜伯子隰叔奔晉傳至范武子雖食采于范猶稱士會故知杜伯陶唐後史記封禪書漢書郊祀志並云杜主故周之右將軍

其在秦中最小鬼之神者索隱引墨子宣王殺杜伯不
以罪後宣王田於圃見杜伯執弓矢射宣王伏殺而死
卽此也後漢郡國志鎬在上林苑中孟康曰長安西
南有鎬池古史考武王遷鎬長安豐亭鎬池也皇覽文
王周公冢皆在鎬聚東杜中水經注渭水又東北與
水合水上承鄠池于昆明池自漢武帝穿昆明池于是
地基構淪硤是皆明神之志者也解志記也見記錄在
今無可究

史籍者王曰今是何神也對曰昔昭王娶於房曰房后

解昭王周成王之孫康王子昭王遐也房國名疏解

國名○昭十三年傳杜注汝南有吳房縣卽房國今河

南汝南府遂平縣西有吳房城漢書地理志汝南郡吳

房本房實有爽德協於丹朱解爽貳也協合也丹朱堯

子疏解丹朱堯子○史記五帝本紀放齊曰嗣子丹朱
州記開明正義曰汲冢紀年唐本紀放齊曰嗣子丹朱
丹朱故城在鄧州內鄉縣西南百三十里丹朱焉身

以儀之生穆王焉

解

馮依也儀匹也詩曰實惟我儀言

房后之行有似丹朱丹朱馮依其身而匹偶以生穆王

疏

丹朱至儀之○爾雅釋詁儀匹也邵氏疏引益稷云鳳凰來儀詩疏引書鄭注云儀匹也言其相乘匹

實臨照周之子孫而禍福之夫神壹不遠徙遷焉

解

言神一心依馮於人不遠徙遷焉若由是觀之其丹朱乎

王曰其誰受之對曰在虢土

解

言神在虢虢其受之王

曰然則何爲

解

何爲在虢對曰臣聞之道而得神是謂

逢福

解

逢迎也淫而得神是謂貪禍

解

以貪取禍今虢

少荒其亾乎王曰吾其若之何對曰使大宰以祝史帥

貍姓奉犧牲粢盛玉帛往獻焉

解

大宰王卿掌祭祀之

式玉帛之事祝太祝掌祈福祥大史掌次主位狸姓丹朱之後神不歆非類故帥以往也純色曰犧無有所也

解祈求也勿有求請禮之而已王曰號其幾何曰昔堯

臨民以五**解**五年一巡守今其胃見**解**胃後也謂丹朱

之神神之見也不過其物**解**物物數也若由是觀之不

過五年王使大宰忌父**解**周公忌父也帥傅氏及祝史

解傅氏狸姓也在周爲傅氏**疏**解傅氏狸姓○路史後紀狸氏裔子大繇夏后

氏封之傅**奉犧牲玉鬯往獻焉****解**玉鬯鬯酒之圭長尺

爲傅氏二寸有瓚所以灌地降神之器**疏**解玉鬯至之器○詩

圭爲柄黃金爲勺青金爲外朱中央案鬯圭尺二寸冬官玉人文春官典瑞注引漢禮瓚槃大五升口徑八寸

下有槃口徑一尺則瓚如勺爲槃以承之也

內史過從至號

解從從大宰而

往也內史不掌祭祀王以其賢使聽之號公亦使祝史

請土焉

解

祝史號之祝史祝應史器也內史過歸告王

曰號必凶矣不禋於神而求福焉神必禍之

解

潔祀曰

禋不親於民而求用焉民必違之

解

用其財力也精

意以享禮也

解

享獻也

疏

精意至禮也○詩疏引袁準

遠不可得就聖人思盡其心而不知所由故因煙氣之

言烟燼之禮也書曰禋於文武取其辨精意以享上帝辨其本

祭祀無不潔而不可謂皆精然則精意以享宜施燔燎

升以達其誠故也

慈保庶民親也

解

慈愛也保養也今

號公動匱百姓以逞其違

解

逞快也違邪也離民怒神

而求利焉不亦難乎解求利謂請土十九年晉取虢解

惠王十九年魯僖之五年

襄王使召公過及內史過賜晉惠公命解襄王周僖王

之孫惠王之子襄王鄭也召公過召穆公之後召武公

也爲王卿士惠公晉獻公之庶子惠公夷吾也命瑞命

諸侯卽位天子賜之命圭以爲瑞節疏襄王至公命○

命也諸侯卽位天子賜之命圭以爲瑞節此傳解云命瑞

公及內史過賜晉文公命解又云命命服也兩傳同文

兩解異訓推宏嗣之意因賜惠公命內史過因執玉卑

故以命圭釋之謂賜惠公者亦是命服其圭也文元

年人王使毛伯來錫公命杜注諸侯卽位天子賜以命

圭惠士奇曰此臆說也白虎通義謂諸侯薨使人歸瑞

言則三年之後必待天子先來錫命而後答之以朝否

則未受賜以前將用何物爲摯而見天子乎小雅韓侯
入覲以其介圭唯其受之於父故攜之入覲下言王錫
韓侯元袞赤舄卽所謂賜之命服也無衣一詩可以證
下傳賜命服之說且無衣兩章均不言圭則武公承哀
鄂之圭可知此傳言車服一旗章也呂躬郤芮相晉侯不
言幣言節未嘗指定繫圭一事也

敬

解呂甥取呂飴甥也郤芮冀芮皆晉大夫相詔相禮

儀不敬慢惰也

疏

解呂甥至大夫○視炎武杜注補正
呂氏也取其邑名成元年取嘉之暇

蓋兼食瑕陰二邑僖三十三年傳芮子缺爲下晉侯執
軍大夫文公復與之冀則芮食冀故謂爲冀芮晉侯執
玉卑拜不稽首解玉信圭侯所執長七寸卑下也禮執

天子器則上衡稽首首至地也

疏

解不稽首○周禮太
祝辨九拜一曰稽首

鄭注稽首拜頭至地也孔穎達曰稽首臣拜君也此爲

敬之極惠士奇曰荀子大畧篇平衡曰拜下衡曰稽首

蓋平衡謂頭與腰平下衡謂頭下於腰說文所謂下首
則稽首頭至手而不至地賈誼客經拜以磬折之客吉

事上左凶事上右隨前以舉項衡以下所謂項衡以下
者稽首也商書拜手稽首孔傳拜手首至手然則手先
據地首乃至手是首與手俱至地其實手在地首在手
故拜手與稽首連言是一事非兩事也拜不稽首是平
衡而非內史過歸以告王曰晉不亡其君必無後解後
下衡矣且呂卻將不免王曰何故對曰夏書有之曰衆
後嗣也且呂卻將不免王曰何故對曰夏書有之曰衆
非元后何戴解夏書逸書也元善也后君也戴奉也后
非衆無與守邦解邦國也疏夏書至守邦○書傳衆戴
相須而立○解夏書逸書○今所傳大禹謨篇至東晉
始出近儒謂非孔壁真古文宏嗣生三國時未見其書
故曰逸書且內史過但言夏書而不言禹謨在湯誓曰
則此四語不知在何篇晉人采之入禹謨耳在湯誓曰
余一人有衆無以萬夫解湯誓商書伐桀之誓也今湯
誓無此言則已散亡矣天子自稱曰余一人余一人有

皐無皐萬夫萬夫有皐在余一人解在余一人乃我教

導之過疏解湯誓至萬夫○論語堯曰篇引此孔安國

身之過錢注無以萬方萬方○論語堯曰篇引此孔安國

湯誓其辭若此然墨子引湯說不云湯誓且係禱旱告

天之辭非伐桀告天之辭孔始誤矣束晉古文尚書出

又以此文竄入湯誓使孔壁果有子小子履諸語見于

湯誓則孔安國注論語何故舍湯誓之正文而別引墨

子乎齡案此傳明稱湯誓是告衆之辭決非禱旱之辭

宏嗣故不從墨子及尸子呂覽韓詩也論語孔注引墨子而不引此傳疏矣在殷庚曰國之

臧則維女衆解殷庚殷王祖乙之子今商書殷庚是也

臧善也國俗之善則維女衆歸功于下國之不臧則維

余一人是有逸罰解逸過也罰猶皐也國俗之不善則

維余一人是我有過也其罪當在我疏國之至逸罰○

尚書傳有善則

衆臣之功佚失也。是已失政之罰。如是則長衆使民不

可不慎也。民之所急在於大事。**解**大事戎事也。先王知

大事之必以衆濟也。故祓除其心以和惠民。**解**祓猶拂

也。**疏****解**祓猶拂也。○釋詁祓福也。孫炎注祓除之福。周

祓。祝者皆祓除凶惡。義考中度衷以蒞之。**解**蒞臨也。考

取拂去故祓近拂訓。中考省己之中心以度人之忠心恕以臨之。昭明物則

以訓之。**解**物事也。則法也。制義庶孚以行之。**解**義宜也。

庶衆也。孚信也。當制立事宜爲衆所信而行之。祓除其

心精也。**解**精潔也。考中度衷忠也。**解**忠恕也。昭明物則

禮也。制義庶孚信也。然則長衆使民之道非精不和非

禮也。制義庶孚信也。然則長衆使民之道非精不和非

忠不立非禮不順非信不行今晉侯卽位而背外內之
賂解背外不予秦地背內不予里平之田虐其處者棄
其信也解虐其處者殺里平之黨不敬王命棄其禮也
施其所惡棄其忠也解已所不欲勿施於人所惡於下
不以事上今晉侯皆施之於人故曰棄其忠也以惡實
心棄其精也解實滿也四者皆棄則遠不至而近不和
矣解四者精忠禮信也將何以守國古者先王既有天
下又崇立上帝明神而敬事之解崇尊也立立其祀也
上帝天也明神日月也於是乎有朝日夕月以教民事
君解禮天子以春分朝日以秋分夕月拜日於東門之

外然則夕月在西門之外必矣疏典於是至事君○周官

示有所尊訓民事君也賈公彥曰王者父天母地兄日月

姊月故春分朝日秋分夕月以王者至尊猶朝日夕月

況民得不事君乎是訓民事君也○解禮天至必矣○

尙書大傳卽春迎日東郊所以萬物先而尊事天也迎

日之辭曰維某年某月上日明光于上下勤施于四方

旁作穆穆維予一人某敬拜迎日于郊大鼓禮保傅篇

天子春朝日秋暮夕月孔廣森補注舊說春分朝日

秋分夕月公冠篇云于正月朔日迎于東郊春分朝

十八年迎日于東郊穀梁傳曰王者朝日由此言之朝

日以朔夕月以望與顏師古曰朝日以朝夕月以暮皆

迎其初出也賈公彥曰祭義云祭日於東門於西門之

藻云元端而朝日於東門之外覲禮春拜日於東門之

外旣春拜日十東明秋夕月于西賈疏之義與韋訓同

患士奇曰玉藻朝日於東聽朔于西此天子每月視朔

必先朝日古之禮也後世朝諸侯春秋受職於王以臨

其民解言不敢專也大夫士日恪位箸以倣其官解中

廷之左右曰位門屏之間曰簪

疏

解中廷至曰簪○中

宮文聘禮公揖入立于中廷又云大夫降中廷又云擯者進中廷又云宰

夫受幣于中廷又云曾子問諸侯旅見天子雨霽服失容則

永曰廷庭中也曾子問諸侯旅見天子雨霽服失容則

廢明在庭中也曾子問諸侯旅見天子雨霽服失容則

朝即左傳所謂有位於朝也門屏之間曰屏屏者亦釋宮

文曲禮天子當寧而立邵晉涵曰屏之閒曰屏屏者亦釋宮

之外是門以外屏以內其閒謂之寧寧外屏屏在路門

通作箸昭十一年傳朝有著定是也庶人工商各守

其業以其其上猶恐有墜失也故爲車服旗章以旌之

解旌表也車服旗章上下有等所以章明貴賤爲之表

識疏

解旌表至表議○周官巾車掌公車之政令辨其

貴賤周官司常寧九旗之物名各有屬以待國事禮

記月令以爲旗章以別貴賤等級之度鄭注章幟也爲

摯幣瑞節以鎮之

解

鎮重也摯六摯也謂孤執皮帛卿

執羔大夫執雁士執雉庶人執鶩工商執雞幣六幣也圭以馬璋以皮璧以帛琮以錦琥以繡璜以黼瑞六瑞也王執鎮圭尺二寸公執桓圭九寸侯執信圭七寸伯執躬圭亦七寸子執穀璧男執蒲璧皆五寸節六節也山國有虎節土國用人節澤國有龍節皆以金爲之道

路用旌節門闕用符節都鄙用管節皆以竹爲之疏解六至執建○大戴禮朝事篇公之孤四命以皮帛視小國之君孔廣森補注鄭司農曰九命上公得置孤鄉一人用者元纁束帛也書三帛孔傳公之孤執元纁束帛大成大宗伯注束帛而表以皮爲之飾天子之孤飾以虎皮公之孤飾以豹皮與春秋繁露執羔篇羔有角而不任設備而不用類好仁者執之類知禮者故羊之爲義者羔食於其母必跪而受之類羔小羊取其羣而不言猶祥與故卿以爲贊大宗伯鄭注羔小羊取其羣而不言

失其類大戴禮夏小正注羔羊腹時也春秋繁露執費
篇大夫隨雁似然有類于長者放夫在民上必施然有
先族之引春秋說題雁之言雁大起聖以費招期知晚
羽故雁南北以陽動也禮記疏引李巡爾雅注期知晚
蚤故雁南北以陽動也禮記疏引李巡爾雅注期知晚
家曰爲雉也釋名鄭注雉性急守介而不可死失其節
說文爲雉也釋名鄭注雉性急守介而不可死失其節
象人執耿介之節也鄭注雉性急守介而不可死失其節
鄭注執耿介之節也鄭注雉性急守介而不可死失其節
時執耿介之節也鄭注雉性急守介而不可死失其節
也執耿介之節也鄭注雉性急守介而不可死失其節
興其巧作鄭注或爲君與販來去故執雞初學記鳥部引
春秋說題辭雞之爲言佳也佳而起爲人期莫寶也大
宗伯鄭注曲禮飾之爲雁者以佳績謂衣之以布而小
者自雉以下執之中無飾者以解幣六至二○周官小
人疏此六者之中無飾者以解幣六至二○周官小
幣者二者雖非帛圭當其朝而皆布乘黃觀禮侯氏奠
奇曰周書侯奉圭當其朝而皆布乘黃觀禮侯氏奠
圭及其享而亦陳四卓此朝之觀也皆如之圭致命上
陳馬於庭而享禮行焉諸侯之贈亦如之雞記曰上介後

賜執圭將命陳乘黃大路于中庭此非圭以馬與白虎
 通半圭曰璋以帛琮以錦之故曰圭璋特謂皮
 馬不上堂璧以帛琮以錦之故曰圭璋特謂皮
 中圓外曰璧圓中牙身元外曰琮錦儀上以璧琮加之方
 文錦皆作帛蓋古錦帛通故不相享則以琮璧加之九
 寸諸侯以享天子而諸侯自相享則以琮璧加之九
 束帛加璧享夫人束帛加琮此享禮之璧琮曰加也琥
 刻玉爲虎形半璧曰璜終南諸侯受顯服曰黻衣纁裳采菽
 纁黼而將以琥璜元將及黼此王錫纁服曰黻衣纁裳采菽
 天子命諸侯以琥璜元將及黼此王錫纁服曰黻衣纁裳采菽
 王拜送爵以琥璜元將及黼此王錫纁服曰黻衣纁裳采菽
 爾雅釋器圭琥璜尺將二寸故曰琥璜元將及黼此王錫纁服曰黻衣纁裳采菽
 守之周官大器圭琥璜尺將二寸故曰琥璜元將及黼此王錫纁服曰黻衣纁裳采菽
 以四鎮之圭爲象飾圭注鎮安也所以安四方鎮圭者蓋
 之公雙植謂之桓桓宮室之象所以安其上也桓圭
 蓋亦以桓爲象飾圭注鎮安也所以安四方鎮圭者蓋
 躬圭皆象以人形爲象飾圭注鎮安也所以安四方鎮圭者蓋
 以保身圭皆象以人形爲象飾圭注鎮安也所以安四方鎮圭者蓋
 玉蓋或以穀爲飾或玉之體也直身象信曲身象躬玉
 四方象雙植象桓玉之體也直身象信曲身象躬玉

之形也粟文象穀藻文象蒲玉之采也其琢則無文焉琢者加琢飾以圭璧卿大夫執之瑑諸侯故加瑑諸侯之質也康成依漢禮而遂謂六瑞也故曰天子及諸侯與類聘之圭璧何異乎西山經曰崧山皆玉堅栗精密寶璞云有其二栗文所謂穀璧白玉也唐宗卽位楚州獻定國秦冒之山多藻玉說文璧白如玉也如水藻之文栗彫鐫之跡又謂之蒲文出於天然非關彫琢養人其說妄矣曲禮凡摯天子鬯諸侯圭公九寸侯伯七寸璧是子男五寸是圭雜不執璧先儒謂曲禮不言璧畧也案曲禮言費自天子男諸侯卿大夫士庶人當以治婦人童子外軍中何獨子男而畧之觀禮天子當依南面立諸侯入廟門右何坐奠圭再拜言諸侯則云天子執圭以朝諸侯說者璧則子男再執圭可知玉人云天子執圭以朝諸侯說者謂冒方四寸邪刻之以冒且侯之圭璧夫圭銳而璧圓冒可冒圭而不邪刻之以冒且侯之圭璧夫圭銳而璧圓無舍子男而不知韓厥奉觴加璧傳僖負羈饋飧置璧大夫男執璧不知韓厥奉觴加璧傳僖負羈饋飧置璧大夫

亦用璧豈子男以爲最貴之贊乎周禮晚出宜其與曲
禮雜記岐矣○解節六至爲之○周官掌節鄭注土平
地也山多虎平地多人澤多龍以金爲節鑄象焉必自
以其國所多者於以相別爲信明也今漢有銅虎符疏
謂引漢有銅虎符者證周時節用銅之意鄭注又言門
關司門司關也道路者主治五涂之官謂鄉遂大夫也
凡民遠出至于邦國之民若來入山門者司門爲
之節由關者司關爲之節其於徵令及家徒則鄉遂大
夫爲之節符者如今宮中諸官詔符也旌節則鄉遂大
擁節是也又小行人鄭注都鄙者公之子弟及卿大夫
采地之吏也以徵令及家徒采地吏爲之節管節如今
之竹使符也賈公彥引史記本紀漢文二年九月以
與郡國守相爲銅虎符竹使符第一應劭曰竹使符者
竹箭五枝長五寸鐫刻篆書第一至第五張晏曰符以
從簡易也境爲班爵貴賤以列之解班次也爲令聞嘉
譽以聲之解謂有功德者則以策命述其功美進爵加
錫以聲之猶有散遷解慢而著在刑辟流在裔土解言

爲之法制備悉如此尙有放散轉移解慢於事不奉職業者故加之刑辟流之荒裔也於是有夷蠻之國解遂

謂夷蠻之國民有斧鉞刀墨之民解斧鉞大刑也刀墨

謂以刀刻其額而墨室之

疏

解斧鉞至室之○昭十五

也鉞金鉞疏廣雅曰鉞鉞斧也俱是斧也蓋鉞大而斧小尙書牧誓王左仗黃鉞孔傳以黃金飾斧是鉞以金飾也王制諸侯錫鉞然後殺周官司刑墨刑五百鄭注墨黥也先刻其面以墨室之非事而事之出入不以道義而誦不祥而況可以淫縱其身乎夫晉侯非嗣也之辭者其刑墨而解嗣適嗣也廩廩怵惕保任戒懼猶曰未也而得其位解

解廩廩勉勉也保守也任職也居非其位雖守職戒懼猶未足也若將廣其心解廣其心放情欲也而遠其鄰

〔解〕背秦賂也陵其民〔解〕虐處者也而卑其上〔解〕不敬王
命將何以固守〔解〕守守位也夫執玉卑替其摯也〔解〕替
廢也廢其執摯之禮〔疏〕執玉至其摯○定十五年傳公
蓋晉侯無守氣拜不稽首誣其王也〔解〕誣罔也替摯無
而將廢其位也〔解〕鎮鎮重也無以自重誣王無民〔解〕民亦將誣之夫天
事恒象〔解〕恒常也事善象吉事惡象凶任重享大者必
速及〔解〕速及於禍故晉侯誣王人亦將誣之欲替其鎮
人亦將替之大臣享其祿弗諫而阿之亦必及焉〔解〕大
臣呂卻也享食也阿隨也襄王三年而立晉侯〔解〕襄王
三年魯僖之十年錫瑞命在十一年八年而隕於韓〔解〕

八年魯僖之十五年秦怨惠公背施忘德舉兵伐之戰
於韓原獲晉侯以歸隕其師徒三月而復之十六年而
晉人殺懷公無胄解胄後也襄王十六年魯僖之二十
四年懷公惠公之子子圉也惠公卒子圉嗣立齊穆公
納公子重耳晉人刺懷公于高粱秦人殺子金子解
子金呂甥子公卻芮之字也二子悔納重耳欲焚公宮
而殺公寺人披以告公公潛會秦伯於王城二子焚公
宮求公不獲遂如河上秦伯誘而殺之

襄王使大宰文公及內史興賜晉文公命解大宰文公
王卿士王子虎也內史興周內史叔興父晉文公獻公

之子惠公異母兄重耳也命命服也諸侯七命冕服七

章上卿逆於境

解

逆迎也晉侯郊勞解郊迎用辭勞也

館諸宗廟

解

館舍也舍於宗廟尊王命也饋九牢解牛

羊豕爲一牢上公饗餼九牢

疏

解牛羊至九牢○儀禮

牛鼎九設於西階前陪鼎當內

聘禮有司入陳饗一

陳牛羊豕魚腊腸胃同鼎膚鮮

魚鮮魚腊設局鼈腳臠臠

盞陪牛羊豕魚腊二牢鼎二七

無鮮魚無鮮魚腊設于降階

前西面南陳如任鼎二列餼二

牢陳于門西北面東上

牛以西羊豕豕西牛羊豕周禮

掌客諸侯之禮上公饗

餼九年又云三公視上公之禮

聘禮言主國待來聘之

卿故五年此傳言九年是晉以

設庭燎解設大燭于庭

謂之庭燎及期命於武宮

解

期將事之日也武公文公

之祖武公之廟也命受王之命

疏

解武公至之廟○穀

梁文十三年傳韋公

曰宮是諸侯廟稱宮傳二十四年傳朝于設桑主布几

武宮以武公始并晉故奉之以爲太祖也

筵解主獻公之主也練主用栗虞主用桑禮既葬而虞

虞而作主天子於是爵命世子世子卽位受命服也獻

公死已久於此設之者文公不欲繼于惠懷故立獻公

之主自以子繼父之位行未踰年之禮筵席也疏設桑

筵○五經異義公羊說虞而作主古春秋左氏說既葬

反虞天子九虞九虞者以桑主九虞十六日也諸侯七

虞十一日也大虞五虞八日也士三虞四日也既虞然

後祔死者於死者祔而作主謂桑主也期年然後作

栗主公羊傳注用桑者取其名與其蠶物所以副孝子

之心禮士虞記曰桑主不文周官司几筵請侯祭祀席

蒲筵績純加莞席紛純右彫几昨席莞筵紛純加藻席

畫純筵國賓于牖前亦如之左彫几鄭康成注國賓諸

侯來朝孤卿大夫來聘朝者彫几聘大宰蒞之晉侯端

者彫几是晉布蒲莞二席及彫几也

委以入〔解〕說云衣元端冠委貌諸侯祭服也昭謂此士

服也諸侯之子未受爵命服士服也〔疏〕○〔解〕說云至士服

端朝祭之服端正無殺惠士奇曰康成謂士服則然大

夫以上侈袂其服遂不復端平非也袂屬于服袂之侈

何害于服之端且端不徒言服兼言冠其冠冕則曰端

冕其冠章甫則曰端章甫其冠委貌則曰委端亦曰端

委穀梁傳委端搢笏左傳弁冕端委服虔以爲端委者

衣尙褻長其長委地故曰委案此自國君至於士皆得

用之而晉文之服此則取大宰以王命命冕服〔解〕冕大

冠也服鷩衣也〔疏〕冕冕大至鷩衣○淮南主術訓高注

十二公侯挂珠九卿點珠六伯子男各應隨其命數周
官司服鄭康成注鷩畫以雉謂華蟲也其衣三章裳四
章凡七也案衣三章華蟲火宗彝裳四章藻粉米黼黻
以鷩爲首故曰鷩衣鄭康成曰鷩畫以雉兼取其政介
而有文章釋名鷩雉之態惡者性急慙不可生服必自
殺故畫其形于衣以象人執耿介之節邵晉涵曰劉成

國此說誤耳繪象以內史贊之疏內史贊之○周官內

史德不取其慙惡也大夫則策命之案大宰以八枋詔王內史又居

中貳之故奉命命晉侯亦以內史贊大宰也三命而

後卽冕服解贊道也三命三以王命命文公文公三讓

而後就也既畢賓饗贈餞如公命侯伯之禮而加之以

宴好解賓者主人所以接賓致餐饗之屬饗饗食之禮

贈致贈賄之禮餞謂郊送飲酒之禮如公命侯伯之禮

者如公受王命以侯伯待之之禮而又加之以宴好也

大宰上卿也而言公者兼之也內史興歸以告王曰晉

不可不善也其君必霸逆王命敬解謂上卿逆於境晉

侯郊勞奉禮義成解謂三讓賓饗之屬皆如禮敬王命

順之道也成義禮德之則也則德以道諸侯諸侯必歸之解道訓也且禮所以觀忠信仁義也解言能行禮則有此四者忠所以分也解心中則不偏仁所以行也解仁行則有恩信所以守也解信守則不貳義所以節也解制事之節忠分則均仁行則報信守則固義節則度解得其度也分均無怨行報無匱守固不偷解偷苟且也節度不攜解攜離也若民不怨而財不匱令不偷而動不攜其何事不濟中能應外患也施三服義仁也解賈侍中云三謂忠信仁也昭謂施三謂三讓也服義義宜也服得其宜謂端委也守禮不淫信也行禮不疚義

也解疾病也臣入晉境四者不失解四者忠信仁義臣

故曰晉侯其能禮矣王其善之樹於有禮艾人必豐解

樹種也艾報也豐厚也王從之使於晉者道相逮也解

逮及也及惠后之難王出在鄭解惠后周惠王之后襄

王繼母陳嬀也陳嬀有寵生子帶將立未及而卒子帶

奔齊王復之又遁于襄王之后隗氏王廢隗氏周大夫

頹叔桃子奉帶以翟師伐周王出適鄭處於汜在魯僖

二十四年疏王出在鄭○杜預曰鄭南汜也在襄城縣

近於周太平御覽咎徵部引孝經鉤命決曰周晉侯納

襄王不能事其母弟彗入斗亡其度卽此事也晉侯納之解納王於周而殺子帶在魯僖二十五年襄王十六

年立晉文公

解

襄王十六年魯僖二十四年二十一年

以諸侯朝於衡雝且獻楚捷

疏

且獻楚捷○成二年傳

涵襲常王命伐之則有獻捷楚自戎畿國宋
憑陵中夏晉勝之於城濮故舉獻捷之典

遂爲踐土

之盟

解

襄王二十一年魯僖二十八年也衡雝踐土皆

鄭地在今河內溫地捷勝也勝楚所獲兵衆文公於僖

二十八年夏四月敗楚師于城濮城濮衛地也旋至衡

雝天子臨之晉侯以諸侯朝王且獻所得楚兵駟介百

乘徒兵千也王命尹氏及王子虎內史叔興父策命晉

侯爲侯伯賜之大輅之服戎輅之服彤弓一彤矢百旅

弓十旅矢千秬鬯一卣虎奔三百人

疏

○解衡雝至溫地
後漢郡國志

雒陽卷縣有垣離城或曰古衡雍史記無忌謂魏王曰
王有鄭城得垣離者也杜預云卽是衡雍又今縣所治
城案今河南懷慶府原武縣西北五里有衡離城周本
紀集解引賈逵曰河陽晉之溫也踐土鄭地名在河內
正義引括地志故王宮在踐土城內東北隅有踐土臺東
宮城中王城則所作在踐土城內東北隅有踐土臺東
去衡離三十餘里○解城濮衛地○僖二十八年經書
戰於城濮傳言晉師陳於莘北杜注有莘古國名案元
和郡縣志故莘城在汴州陳留縣於是乎始霸
東北三十五里則莘城北卽城濮地

國語正義卷一終